



სალიტერატურო და სამეცნიერო ნახაზებიანი გაზეთი გამოდის ყოველ კვირა დღეს

№ 28

ი ვ ნ ი ს ი 30 1896 წ.

№ 28

შინაარსი: კიდევ ზებირ-სიტყვაობის შესახებ ა. ხ.—სა.—სხვა-და-სხვა ამბავი.—გაფრმდე? ლექსი ი. ევდოშვილისა.—საყურადღებო ამბები.—უან დარკი ა.—სი.—ინდოეთის ველური კამეჩი.—ივანე კოტორაშვილის ამბავი, პოემა ვაჟა-ფშაველასი.—კრიტიკული წერილები უარბისა.—წერილმანი.—ნუშო (დასასრული) ვ. ბარნოვისა.—განცხადებანი.—

მათი უაღვესტოესი იმპერატორებითი უმაღლესობათა დიდი მთავრინა მხენია ალექსანდრეს ასულისა და დიდი მთავრის ალექსანდრე მიხეილის ძის მფარველობათა ქვეშე მყოფი ქუთაისის გუბერნიის ცენტრალური კომიტეტი წყალ-დიდობისაგან და დიდ თოვლობისაგან დაზარალებულთა შემწეობის აღმოსაჩენათ, ამით აცხადებს, რომ ფული და ნივთები დაზარალებულთა სასარგებლოთ მიიღება კომიტეტის თანამჯდომარის, ქუთაისის გუბერნიის თავადაზნაურთა წინამძღოლის. თ. ს. გ. წერეთლის სახელობაზე.

(3—3)

თბილისის ქალაქის თავი

ამით აცხადებს, რომ რადგან ამ წლის ხანგრძლივმა წყალ-დადობამ რიყის და საზოგადოთ ქალაქის დაბლობი ადგილების მცხოვრებთ დიდი ზარალი მიყენა, ასე რომ მრავალი უღარიბესი მცხოვრები ქალაქისა სრულიათ ხელ-ცარიელი დარჩა, ამიტომ ქალაქის გამგეობამ მიიღო რა სახეში საზოგა-

დობის გულ-შემტკიცებობა, გამართა შეწირულობის მიღება ღარიბ დაზარალებულთა სასარგებლოთ.

შეწირულობა მიიღება ქალაქის გამგეობის დარბაზში, ყოველ დღე შუა-დღის ორ საათამდის.

(3—1)

კიდევ ზებირ-სიტყვაობის შესახებ.



ამდენიმე წელიწადია, რაც ჩვენ ქურნალ-გაზეთებში იბეჭდება წერილები, რომელნიც თვალწინ გვიყენებენ მრავალ ფეროვან მნიშვნელობას საერო პოეზიისას და გვიწვივენ ერის გონებითი ნაწარმოების შემოსაკრებლოთ. აი, ანლაც „მომამის“ მე-V ნომერში წავიკითხე ბ-ნი სინაურიძის წერილი, რომელიც ეხება ამავე საგანს და იგონებს აკაკის მოწოდებას თანხის შესადგენათ, რათა დაენიშნოთ ჯამაგირი იმათ, ვინც ითაყვებენ ხალხის ნაწარმოების შეკრებას.

ბ-ნი სინაურიძე იფიწყებს „კვალშივე“ დაბეჭ-

დილ ჩემს წერილს, სადაც ჩვენ სხვა გზას ვუჩვენებდით და ვაპოზიტივით, რომ საერო ნაწარმოების შემოკლება დავალბებულნი უნდა იქმნას მასწავლებლებზე. ჩემს სიტყვებს ავტორი ახლა იმეორებს, თუმცა კი არ გეხსენებს, და ამბობს ჩემი აზრიაო. სოფლის ინტელიგენციას მიემართათო... მე ვამბობ სოფლის მასწავლებლებზე და მღვდლებზე.

ჩვენ დღათ ვაფასებთ საერო ნაწარმოების შემოკლებას და გამოცემას, მაგრამ ამ საქმეს ისეთ გაზვიადებულ მნიშვნელობას არ ვაძლევთ, როგორც ბ-ნი სინაურიძე. იმას ჰგონია, რომ ჩვენი ხალხის ნაწარმოები ნათელს მოჰქვენს მეცნიერებაში ეგრეთ წოდებულ „მითოლოგიურ ეპოქას“. ავტორს ავიწყდება, რომ ამ ბოლო დროს შეიცვალა შეხედულება საერო პოეზიის წარმოებაზე და იქ, სადაც წინათ მეცნიერნი ეძებდნენ მითოლოგიის ნაწყვეტებს, აღმოჩნდა მწერლობის გავლენით შექმნილი შეხედულება. არ ვეთანხმებით ავტორს იმაშიაც, ვითომც ჩვენი ხალხის ზეპირ-სიტყვაობა სრულებით უცნობი, „terra incognita“ იყოს. მოიგონეთ, ბატონებო, რამდენი ძვირფასი არაკები, ლექსები, ლეგენდები დაიბეჭდნენ ჩვენ ჟურნალ-გაზეთებში და ცალკე წიგნათ: სენაურა ზღაპრები თავისუფალი სენის მიერ შეკრებილნი, აღნიაშვილის არაკები, ფშაური ლექსები დ. ხიზანაშვილისა, მეგრული არაკები ცავარლის ეტიუდებში, ხევსურების ლექსები ნ. ურბნელისა, ღონღაძის, ბაჩანას და სხვათა მიერ ჩაწერილნი არაკები და ლექსები, ეთნოგრაფიული წერილები თავისუფალი სენისა, ნ. ურბნელისა, დ. ხიზანაშვილისა, ვაჟა-ფშაველასი, რაფ. ერისთვის საყურადღებო გამოკვლევანი აღმოსავლეთ და დასავლეთ საქართველოს მცხოვრებთა შესახებ, ძვირფასი შემუშავებული და შეუმუშავებელი მასალა, აღბეჭდილი ოც წიგნში „Сборникъ Шопечителя Кавказ. Округа“, პირველ წიგნიდან აქამდის კავკასიის გეოგრაფიული განყოფილების „Извѣстiя“-ში და „Записки“-ში, Этнографическое Обозрѣнiе-ში, წერილები ბერძენოვის და ბაქრაძისა „Кавказъ“-ში, სხვა-და სხვა პირთა ნაწერები „Нов. Обзорѣнiе“-ში, „Материалы для изученiя крестьянскаго быта“ და სხვა-და-სხვა და გარწმუნებთ, რომ საქმარისი შუქი შეაქვთ ავტორის მიერ აღიარებულ „terra incognita“-ში. მისგანვე სათაყვანებელი ვს. მილლერი ერთ თავის წერილში ამბობს, რომ არც ერთი მხარე რუსეთის რმპერიათა ისე კარგათ არ არის ამ ბოლო დროს შესწავლილი, როგორც კავკასიაო. მართალსაც ამბობს. არავის შეუძლია ბ-ნი სინაურიძესთან ერთათ მიწათთან გაასკოროს შემოხსენებულ პირთა ნაწერები და თამამათ თქვას: არ არსებობს „თხზულება, რომელიც ქართველის კალამს ეკუთვნოდეს და შიგ აწე-

რილი იყოს ჩვენი წარსული, აწყო, ჩვენი ზნე-ჩვეულებანი“ და სხვა. ასეთი აზრი შემცდარიც და უსამართლოც არის ერთ და იმავე დროს. ჩანს ავტორს თვალები აუხვევია და არ წაუკითხავს ქართულათ ჭრუსულათ ის წერილები, რომელნიც სვინდისიერათ დაფასებულნი არიან საქართველოშიც და რუსეთშიაც.

არც გაზვიადება ვარგა რომლისამე საგნის მნიშვნელობისა და არც დამცირება. რა საქირთა შეეყვანათ ჩვენი საზოგადოება შეცდომაში და ვთქვათ ბ-ნი სინაურიძესავით, რომ ვითომც ტეილორს გამოეთქვას აღნიაშვილის ზღაპრების ინგლისურათ გადათარგმნის გამო, რომ ჩვენ ზღაპრებში „სულ სხვა შეხედულება, სხვა მისწრაფება და სულის მოძრაობა იხატება.“ ტეილორს არ უთქვამს ეს სიტყვები და არც იტყოდა, რადგანაც გამოჩენილმა ფოლკლორისტმა კარგათ იცის, რომ ყოველი ერის ნაწარმოებს, როგორც პირველადი პსინოლოგიური მოძრაობის ნაყოფს, ეტყობა ერთ-ფერობა და ერთსულობა. არ უთქვამს აგრეთვე მეორე გამოჩენილ სწავლულს, ელიზე რეკლუსს, რომ ქართველნი ქაღნი იმდენათ მხეცნი არიან, რომ საქონელს ცოცხლათ ატყავებნო. სხვისი აზრის მოყვანა ფთხილათ უნდა წარმოებდეს და იმავე სახით, როცარც ნათქვამია... შემცდარათ არის აგრეთვე ვს. მილლერის აზრი, რომ ვითომ „უშუაგესი ზეპირ-სიტყვაობანი სამხრეთ რუსეთისა სულ კავკასიიდან არიან შესულნი და მეგრე თავისებურათ გადაკეთებულნი“. არავის უმტკიცებია და ვერც დაამტკიცებენ, როგორც ბ-ნი სინაურიძეს ჰგონია, რომ იყო დრო, როცა ქართველები კოლხებათ იწოდებოდნენ. აღარ გაეგვრძელებ ავტორის შემცდარ აზრების მოყვანას. ჩვენ მხოლოთ გვაკვირვებს, რისთვის დაკირდა ამდენი არეულ-დარეულ მოსაზრებით გატენა პატარა წერილისა და უმნიშვნელო მითითებით „Исторiя-ზე Рождественскаго для среднихъ учебныхъ заведенiй“ სლავიანების მოღვაწეთა მასაგონებლათ. დამბოვსკის, კარაჯიხის და სხვებს ყველა მოსწავლე იცნობს ილოეისკის სახელომძღვანელოდანაც. გაუზვიადებლათაც ჩვენ საზოგადოებაში ტრიალებს აზრი ერის ნაწარმოებისა შეკრების შესახებ და „კეალის“ რედაქცია მომავალი ნომრიდან უკვე შეუდგება პროგრამის ბეჭდვას სახელომძღვანელოთ იმ პირთა, ვინც მოისურვებს ამ საქმეს ხელი მოჰკიდოს.

ა. ხ.



სხვა-და-სხვა ამბავი.



მ თვის 25-ს შესრულდა ასი წელი იმპერატორი ნიკოლოზ I დაბადების დღიდან. საყდრებში გადახდილი იქმნა პანაშვიდები. აგრეთვე ევრის მოსავალზე, ჯვართან, თავად-აზნაურობამ გადაიხადა პანაშვიდი. საქალებო ინსტიტუტში, რომელსაც ამიერიდან ნიკოლოზის სახელი დაერქმევა, დაარსდა ერთი სახელმწიფო სტიპენდია.

* *

მომავალი სექტემბრიდან მესამე კლასიკურ გიმნაზიაში სწავლის ფასი წმ მანეთის მაგიერ 70 მან. იქნება.

* *

ჩვენ აუცილებელ საკითხთ მიგეჩინია, რომ მკითხველებს ვაუწყოთ სათავად-აზნაურო ბანკის მართვლობის განცხადება, რომელიც იყო დაბეჭდილი რუსულ გაზეთებში, რადგან უსაუბო ამ ბანკის მსესხელები ქართველებიც იქნებიან: პირველ კათათიდან მსესხელებს გამოერთმევათ 3/4% იმ ერთი 0/6-ის მაგიერ, რომელსაც აქამდის იხდიდნ ბანკის მოსამსახურე პირთა შესანახავათ წესდების 28 § ძალით.

* *

მთავარ-მართველს თანაშემწე გრაფ ტატიშჩევი წაბძანდა თავის მამულში ორი თვის ვადით; ამის გამო თანამდებობას დღეიდან აასრულებს კარაპუსის უფროსი თ. ი. გ. ამილახვარი.

* *

სათავად-აზნაურო ბანკის ზედამხედველმა კომიტეტმა გადაწყვიტა მიეცეს 400 მან. გორის ანასტასის საქალებო სკოლას, 600 მან. თელავის წმ. ნინოს სასწავლებელს და 10'0 მან. წყალ-დილობის და თოელისგან დაზარალებულთა დასახმარებლათ.

* *

კარაპეტ სერობიანცის არჩევაზე გუბერნატორს საჩივარი მიართვეს ხელოსნებმა და თხოედნ არჩევნების გაუქმებას. საჩივარში სხვათა შორის ნათქვამი იყო, რომ სერობიანცმა წერა-კითხვა არ იცისო, მაშინ როდესაც სახელოსნო წესდება ამას ითხოვსო. გუბერნატორის განკარგულებით სერობიანცი გამოკადეს და აომონდა, რომ წერა-კითხვა ცოდნია ქარ-

თულ, რუსულ და სომხურ ენაზე. თუ ამ-ს მეტი საბუთი არა ჰქონდა საჩივარს, რასაკვირველია, არჩევანს დაამტკიცებენ.

* *

„კუკასიის სამეურნეო გაზეთის“ კორესპონდენტი ქუთაისის მაზრიდან იწერება, რომ მეურნეობის მხრივ ქუთაისის გუბერნიაში ამისთანა ცუდი წელიწადი ჯერ არ ახსოვთ; მეურნეობის ყველა დარგი წელს მეტათ დაზარალებულია. არც აბრეშუმის წარმოებას გაუღიმა წლიდანდელმა წელიწადმა. კორესპონდენტი აღნიშნავს, რომ წელს ერთობ იმერეთში გატაცებით ეკიდებოდნ აბრეშუმის მოყვანას; გასაღებულა სულ 31 ფუთი თესლო სხვა-და-სხვა ფირმებისა. სასარგებლოა მერმისისათვის ვიცოდეთ, რომ არ გამოდგა-რა შემდეგი ფირმების თესლი: პსალტადისა, ნიკოლაიდისა, მესატურაანცისა, ტუპიანცისა, კუზუნისა და სხვ. ყველაზე უკეთესი გამოდგარა თესლი ქ-ნი სუკასოვისა და თავად ჩოლოყაშვილისა. მაგრამ საზოკადრთ აბრეშუმის საქქეს წელს ხელს უშლიდა, როგორც ატმოსფერული მოვლენანი, ისე თვით საქმის წაქეანის უკოდინარობა. ამიტომ კორესპონდენტი ერთობ სიამოვნებით მოახსენიებს, რომ ამ ქვამთ უქანასქნელ კარემებას ცოტ-ცოტათი ბოლო ეღება მით, რომ აღდგომობრივი ინტელიგენტები ეკიდებან აბრეშუმის მოყვანას. ამ მხრით ყველაზე უფრო ყურადღების ღირსნი არიან თ. ნ. ბ. ჩხეიძე სოფ. დად-ჯახაიში, თავ. წულუკიძეებო ხონში და თავად მაჭუტაძენი (დიმიტრი და ალექსანდრე) სოფ. ნიკოკათში. მეტია აქ იმაზე ლაპარაკი, რომ ამ მხრივ, ყველაზე უფრო სასარგებლო სამსახურს გაუწევენ საზოკადოებას ამხანაკობები ხონისა და გურიისა.

* *

1894 წელს პირველ იანვარს ქუთაისის გუბერნიაში ითვლებოდა სულ 922,791 მცხოვრები, იმათგან: 490,299 კაცი და 432,492 ქალი. წლის განმავლობაში დაბადებულა 15,345 ვაჟი და 14,264 ქალი, სულ—29,609, და მომკვდარა 16 726 სული. ამნაიათ, წლის განმავლობაში მიემატა 12,883 სული, ღაც მცხოვრებთა საერთო რიცხვთან შედარებით შეადგენს 1,390/6. ქორწილი მომხდარა 8,719. მუღმიკი მცხოვრებნი ასე განიყოფებან: იმერლებო 413,805, გურულები 76,065, აქარელები 59,495, მეგრელები 214,499, აუხაზნი 29,792, ოსმალებო 28,364, სამურზაყანელები 29,610, რუსები 4,781, ბერძენები


6,603, ოსები 3,595, სომხები 16,349, ურები 7,072 და სხვა ქართველები 12, 979.

* *

ამ თვის 26 თბილისის პალატამ გააჩნია ცნობილი საქმე დიმ. ჭავჭავაძის ნაანდერძევი 400,000 მან. შესახებ, რომლის სარგებელი უნდა მოხმარებოდა კერძოთ ჭავჭავაძიანთ გვარის ყმაწვილების აღზრდას და საზოგადოთ განათლების საქმეს. სულს. ჭავჭავაძის ექვილი ამტკიცებდა, რომ ანდერძის დაწერილი შერყეული იყო და ამისათვის ანდერძი შესაწყნარებელი არ არისო. მაგრამ სამოსწავლო ოლქის მზრუნველის ექვილი ამის წინააღმდეგს ამტკიცებდა და პალატამაც საჩივარზე უარი უთხრა თ. ს. ჭავჭავაძეს.

* *

ქალაქ მოსკოვში იხსნება საინჟინერო სასწავლებელი ინჟინერ-პრაქტიკების მოსამზადებლათ. სწავლა გაგრძელდება სამ წელს და შემდეგ სწავლის დამთავრებისა ორი წლის სავალდებულო პრაქტიკა დანიშნული. საინჟინერო სასწავლებლის სტუდენტებათ მიიღებიან საშუალო სასწავლებლებში კურს დამთავრებულნი, რომლებიც ამასთანავე შესამოწმებლათ გამოცდილ იქნებიან. პანსიონერებისათვის გადასახადი 400 მანეთია, გარედან მოსიარულეთათვის, რომლებმაც მახლობელ ნათესავეებთან უნდა იცხოვრონ,—100 მანეთი. ვინც საინჟინერო სასწავლებელში სწავლას დამთავრებს, მიიღებს დიპლომს ინჟინერ - მაშენებლის წოდებით.



გ ა ვ . ჩ უ მ დ ე ?!




აეჩუმდე?! თითქოს ხელთა მქონდეს მე ჩემი გული, განა თქვენ ძალგიძთ დაამშვიდოთ ზღვა ალგზნებულები?!

მე დროს შეილი ვარ, მან გამზარდა თვის მთრთოლვარ მკერდზე და ახლა თითებს ვათამაშებ მისსაე სიმებზე. მე დროს შეილი ვარ, გამიტარა მან გულს ისარი და ისარითვე პასუხს აძლევს მას ჩემი ქნარი. მე დროს შეილი ვარ, მან მაწოვა მხამი სამსალა და აღვსებული აწ ფიალა გადმოიცალა. მე დროს შეილი ვარ, მაგრამ ურჩი ჩემი მშობლისა,

დავგომბ მე მასში, რაც ღირსია კრულვა—გმობისა! გაეჩუმდე?! თითქოს ხელთა მქონდეს მე ჩემი გული, განა თქვენ ძალგიძთ დაამშვიდოთ ზღვა ალგზნებულები?!

ო. კვლავილი.



საყურადღებო ამბები.



ამეგრელო. ნათქვამია: „უბედურ კაცს ქვა აღმართში მოეწვეაო“, ამისი არ იყოს, წრე-ვანდელი წელიწადი საზოგადოთ მთელი სამეგრელოს მკვიდრთათვის დიდ-ხანს დაუეწიწარი და მოსაგონებელი იქნება. შარშან შემოდგომაზე და წელს ზამთარში რაც მოხდა, ის საკმაოთ იცის მკითხველმა. სხვა და-სხვა სტიქიურმა მოვლენამ უმეტესობას თითქმის ყოველგვარი საჩირო-საზადებელი გამოაჯალა; ამიტომ ხალხს მხოლოთ წლევანდელი მოსავლის იმედი-ლა დაჩინდა, მაგრამ აგერ იენისიც გადის და ჩვენსკენ ჯერ ხენა-თესვა კიდევ არ მოთაყვებულა. ზოგი ახლა თესავს ხელ-მეორეთ ჭინახულს, რადგან მისში ვაი-ვაგლახით დათესილი ყანები მდინარეებმა წალეცა. კვლავ ამ დროს ჩვენსკენ შეენიერი მობიბინე ჯეჯილი ყოფილა. რაც დათესა ისიც ეკრაფერ იმედს იძლევა. წელს საზოგადოთ ვაზსაც, იზაბელას, ერთობ თხლათ ასხია და არც ამისი იმედი აქეთ, რომ შერჩეს, მით უმეტეს, რომ სამეგრელოს გამანადგურებელი აღმოსავლეთის ღონიერი ქარის შიში აქეთ. არც სხვა მხრივ არის წელს სამეგრელო უზრუნველ-ყოფილი: სხვა-და-სხვა ავთმყოფობამ ერთობ სული და გული შეუწუთა უამისოთაც გალატეკებულ მდაბიო ხალხს. ექიმის მოწვევაც სიშორის გამო შეუძლებელია. ერთობ ხშირია ყვავილი—„დიდი ბატონები“, რომლის წინ მდაბიო ხალხი მუხლ-მოდრეკილი დიდი თაყვანისცემით ლოცულობს ავთმყოფის განკურნებისათვის.

ტრ. კალანდარიშვილი.

* *

სოფ. მახისი (გორის მაზრა). 12 იენისს აქ ერთ სამწუხარო ამბავს დავესწარი და არ შემძილია ეს არ გაუზიარო მკითხველ საზოგადოებას.

11 იენისს თბილისიდან გავიარე სოფელ მახისში, სადაც გამწესებულია ჩემი ნაცნობი ახალგაზდა მღვდელი მ. ბენიამენი. ამ დღეს მღვდლის სახლში ენახე რამდენიმე მოსწავლე ბავში, ქალ-ვაჟნი, რომლებსაც ასწავლის მ. ბენიამენი უსასყიდლოთ. ოთახ-

ში არ ყოფილა სკოლისთვის არაერთარი მოწყობილობა. იღვა მხოლოდ ერთი სასაბუღალტრო მანქანა, რომელზედაც წერდნენ ბავშვები რიგ-რიგობით; მაგრამ ამ ნაკლებულეულებას ვერ დაეპყრობებოდა სწავლის საქმე; ბავშვები შეენიერათ წერდნენ და კითხულობდნენ.

მღვდლისაგან ვაგიგე, რომ სოფელს სკოლა არ აქვს და არც სურთ რომ დაარსონ, თუმცა ეს სოფელი გორის მაზრაში უმდიდრეს სოფლათ ითვლება. სოფლის გარშემო სახნავ-სათესი ადგილები სოფლის საკუთრებას შეადგენს და არა საბატონოს, როგორც ეს სხვა სოფლებშია. უკანასკნელ ვლენს ორი უღელი ხარკამეჩი ჰყავს, ისე კიდევ ძროხა, ცხენი, ღორი, ცხვარი და სხვა. ათასი და ორი ათასი ნაღდი ფულის მქონე გლეხები ბევრია, მაგრამ უმეტეს ნაწილს სკოლა არ სურს.

მღვდელმა მითხრა, სოფელი მემუქრება, დრამას არ მოგცემთ და „დანოსებს“ გაგიგზავნით მთავრობასთან თუ კმაწვილების სწავლაზე ხელს არ აიღებო და სხვა. აგრეთვე მიახლო ყველაფერი სოფლის ამბავი, მაგრამ მე შეათვლიე ვერ დაეჯერებ. ჰუიქრობდი, ჩემთან თავის მოწონება სურს და იმიტომ ლაპარაკობს ასე-მეთქი. მე სწორეთ არ მეგონა ამისთანა სწავლის წინააღმდეგი კუთხე თუ იყო საქართველოში, მაგრამ მეორე დღის სცენამ დამიმტკიცა, რომ მე თურმე უარწმუნო თომა ვიყავი და ტყუილათ არ ვუჯერებდი. აი, ეს სცენა:

12 ივნისს დილით რვა საათზე აქა-იქ იწყეს შეკრება სოფლელებმა (ეს დღე წვიმიანი დღე იყო). ცოტა ხანს შემდეგ მოგროვდნენ მღვდლის სახლთან. მღვდელი გამოვიდა ოთახიდან და მივსალამა ჩვეულებრივათ, იმათაც მაგიერი სალამი მისცეს.

— რაზე შეკრებილხართ, რა ამბავია, დაეკითხა მღვდელი ხალხს? ამ კითხვაზე წამოდგენ წინ რამდენიმე კაცი და მოახსენეს:

— მამაო, სისხლი ყელში მოგვადგავ, მეტი მოთმენა არ შეგვიძლია და ნუ დაგვლუბავ!..

— სისხლი ყელში რისთვის მოგადგავთ, რის მეტი მოთმენა არ შეგვიძლიათ? თქვით, რაშია საქმე? ამ კითხვებზე ერთმა, რომელიც უფრო წინ იდგა, მიუუბო:

— აი, ამ საათში შენს ოთახში არიან ბავშვები და სწავლობენ; მათი რიცხვი დღითი-დღე მატულობს, ჩვენ არ გეინდობა ყურადღება მიგვექცია, მაგრამ შენი სახლი ლამის სკოლათ გარდიქცეს და ჩვენ ამისი გვეშინია.

რამდენი ეცადა მღვდელი დაერწმუნებოდა, რომ აქ საშიშო არაფერია და ის არავის არ შეაწუხებს, მხოლოდ მსურველებს ასწავლის და იმათაც უსასყიდლოდ და არც სკოლის სახელით, მაგ-

რამ ვერას გახდა. ხალხი მინც თავისას გაიძახოდა: არ შეგვიძლია, მაგის ნებას ვერ მოგცემთ; ჩვენ შეგვრავთ სოფელს, მაგათ საქონელს ჩვენ ნახირში არ გავუტრევთ, ღორებს დაეუკლავთ, არ ვიმეზობლებთ და ბავშვებსაც გავლახავთ, ვინც აქ მოინდომებს წამოსვლასა და სხვა.

მღვდელი და ხალხი რომ ამ ლაპარაკში იყვნენ, ამ დროს მეორე სცენა ყმაწვილების ოთახში ხდებოდა. ბავშვებმა რომ ხალხი დაინახეს, მაშინვე მიხედნენ, რაშია იყო საქმე და ძლიერ შეშინდნენ. როცა გაიკანეს, რომ ბავშვებს გავლახავთო გული გაუსკდათ და ტირილი მორთეს. მიხურეს ოთახის კარები, აიღეს წიგნები და მოილაპარაკეს, თუ ოთახში შემოგვიციენდნენ ფანჯრებიდან გადავხტეთო... კარგა ხნის ლაპარაკს შემდეგ ხალხი დაიშალა იმ განზრახვით, რომ კვირას შეიკრიბონ მთელი სოფელი და ეს სკოლა მოსპონ. როცა ხალხი დაიშალა ბავშვებს იმედი მიეცათ, სიხარულით არ იცოდნენ რა ექნათ.

— ღორები სულ დაჰკლან თუ უნდათ, ჩვენ არ შეგვიინდობით, ან რა უნდათ ჩვენთან? ჩვენ სწავლა გვინდა და მათ ხომ არას ვართმევთო.

როგორ მოგწონს, მკითხველო, ეს ამბავი? თქვენ კი არ ვიცი და ჩემთვის ეს სამწუხარო ამბავია. ჩემის აზრით, სავალდებულო სწავლის შემოღება აქ არის საჭირო. დასასრულ ვუსურვებ მ. ბენიამენს სულით არ დაცემულიყოს და ამ საქმეს ღირსეულათ გაძლოლოდეს.

სტუმარი.

* * *

სოფ. ხიდისთავი (გურია). დიდი ხანი არ იქნება მას აქეთ, რაც ხიდისთავი პირველ სოფლათ ითვლებოდა მთელ გურიაში ბავშვის შემდეგ. ახლა კი იმ მდგომარეობას მიაწვია, რომ მგონი ჩქარა უკანასკნელი გახდეს. მკითხველი უთუოთ იკითხავს, თუ რა არის მიზეზი ასეთი ცვლილებისა. მეც მოგახსენებ. დღემდის აქ არსებობდა სამი სასწავლებელი: ერთი ორ კლასიანი სამინისტრო და ორთხ სამრევლო. ერთმა ამ უკანასკნელთაგანმა კარგა ხანია რაც თქვენი ქორი წაიღო, ხოლო მეორეს ყოფნას არ ყოფნა ჯობია. არც მამასახლისზე ვიტყვი რასმეს. ბიბლიოთეკა რაღა მდგომარეობაშია, გნებავთ გაიგოთ? წელიწადზე მეტია რაც ხმა გაისმა, რომ ხიდისთავში ბიბლიოთეკა გახსნესო. პირველათ ცოტა არ იყოს მეუცხოვა, როცა ჟურნალ-გაზეთები დუქანში დაინახე დაწყობილი, მაგრამ გულში ვაგიგლე, დღეს ასე იყოს და ხვალ თუ ზევ უკეთესათ მოაწყობენ მეთქი. მეორე კვირაში კიდევ გაახელით ამ-

ბის გასაგებათ. ბიბლიოთეკარს ვეკითხები: რა იქნენ ჟურნალ-გაზეთები მეთქი. იმან მითხრა: ამა და ამ კაცმა წაიღო. მესამეთ კიდე მოვიკითხე და გვიგე, რომ ,,იმ კაცს“ ჟურნალ-გაზეთები არ დაუბრუნებიაო. რაღა უნდა მექნა, ავდექი და წავედი ,,იმ კაცთან“; მაგრამ ის კაცი შინ არ იყო; მისმა შინაურებმა მითხრეს, რომ გაზეთები სხვამ წაიღო. მას შემდეგ ყურს ვუგდებ, მაგრამ ცუდის მეტი კარგი ამბავი არა ისმის რა საკვირველი კია, ღმერთმანი! რათ უნდა იყოს ასე უყურადღებოთ მიგდებული ბიბლიოთეკის საქმე? იმას ვერაინ იტყვის, რომ სიღარბე გეიშლის ხელსო; მამ რიღას მიზეზია! ყველაზე უფინ აქ დაიწყეს ლაპარაკი ბიბლიოთეკის საქარობაზე და ახლა აღმოჩნდა, რომ ყველაზე ბოლოსაც ვერ განხორციელდა დიდი ხნის დაწყებული საქმე.

ი. ლ.

* *

ასლ-სენაკი. მისის უქანასკნელ რიცხვებში ახალ-სენაკში დაიწვა თერთმეტი ქვეთიკრის ღუქანი. რამდენიმე ამ შენობათაგანი, როგორც ამბობენ დაზღვეული ყოფილა. ვისიც დაზღვეული არ იყო, იმის პატრონის მწარე ქვეთინი და ცრემლები ქვასაც კი აატირებდა. ზოგიერთებს ღუქნის საქონლიდან სულ არა დარჩენიათ-რა. ცეცხლი გაჩენილიყო შუალამის ორ საათზე, როცა მთელ ქალაქს ეძინა. ცეცხლის გაჩენა თუმცა მაღე შეიტყეს, მაგრამ ვინ რას უშველიდა, ცეცხლის საქრობმა იარაღმაც (რომელიც, ეგონებ, ადამის დროისა) ვერაფერა უშველა ქალაქს. ამ გვარი მოვლენა ახალ-სენაკში ძალიან ხშირია და ვერ გავგიგო, რატომ ამ გარემოებას ყურადღებას არ აქცევენ. ცეცხლის საქრობი მანქანა ზოგიერთ სოფელსებს შეუძენიათ და ნუ თუ ახალ-სენაკისათვის სირცხვილი არ არის იმის უქონლობა?..

12 ივნისს, აქ ერთი სამწუხარო ამბავი მოხდა. ვე. გავუას ცოლი რევოლვერით მკედარი იპონეს. ამ სამწუხარო მოვლენის მიზეზი ჯერ ნამდვილი არა-ეინ იცის. ქმარი დატყვევებულია და გამოძიება წარმოებს...

ტრ. კალანდარიშვილი.

* *

სად. ნატანუბა. 14—15 წლის წინეთ უდაბური და მიუდგომელი ტყე ყოფილა აქ, რომელიც იმ დროს მგლებისა და გარეული ღორების ბუნგათ ითვლებოდა. ახლა ამ 14 წლის განმავლობაში გაიკაფა ეს გაუვალი ტყე, გაშენდა სადგური და მხეცთა ბუნგების ნაცვლათ ადამიანთა სადგომები და

სავაჭრო სახლები გაშენდა. მაგრამ, სამწუხაროთ, ადამიანური ცხოვრება ჯერ კიდევ ვერ მოგვიხერხებია...


ამდენი ხნის განმავლობაში ჯერ არავის ახსოვს, რომ აქედან ვინმე საზოგადო დაწესებულებას ან საქველ-მოქმედო რასმეს შეეწოდეს.

ნიეთ-ერთ, შედარებით სხვა ასე პატარა სადგურთან ჩვენი ნატანები თუ წინ არა დგას, დიდათ მანაც არ ჩამორჩება, მაგრამ სამარცხენო ეს არის, რომ ჩვენი საკუთარო კუქის დეკაყოფილება სრულიათ ჩვენი მოვალეობის დეკაყოფილებათ მოგვჩინა და ეს ხომ გონებისა და ზნეობის დაცემას ნიშნავს!.. დღესაც, როცა თითქმის მთელი ქვეყნის ყურადღება მიიქცია შარშანდელ წყალ დიდობისა და წრევენდელი სასტიკი ზამთრისაგან დაზარალებულმა სოფლებმა, ჩვენ ამასაც გულ-ციფობით შეეყურებთ... ჩაუჯდებით ღენის სმას, ან ქალაქის და ნარდის თამაშს და მთელ დღეს და ხან ღამესაც ასე ვატარებთ. ეს ხომ პირველი საქმეა ჩვენთვის და ამისთვის არც გეშურს ხუთი და ათი მანეთი და ხშირათ მეტიც.

საყვედურის ღირსათ მიმჩინა აგრეთვე ის პირებიც, რომელთაც შეძლება საკმაოთ ნებას აძლევს და არც ერთ ქართულ ჟურნალსა და გაზეთს არ იწერენ, ერთბა გასულ წელს გამოიწერა, მაგრამ წელს ისევ მიანება თავი. რომ ჰკითხოთ, სიბრყვე არისო, გიპასუხებთ, მოსამსახურე კაცისთვის რუსული გაზეთი არის საჭაროეო; მაგრამ ეს არც რუსულს იწერ და აღარც ქართულს...

მართალია, ჩვენშიაც სიღარბე არის ჯერ წარსული წლის მოუსალოდობისა და მერე სიმინდის ფასის ასე დეარდნის გამო (სიმინდი შარშან ამ დროს 60 კაპ. ფასობდა, ახლა კი 35 კაპ. ძლიეს ყიდულობენ), მაგრამ რაც უნდა იყოს, იმ დაზარალებულებთან შედარებით, რომლებმაც ნახევარი და ზოგმა მთელი საცხოვრებელი დაჰკარგეს, მანაც შეძლებული ვართ და ვალათაც გვაძვეს შეძლების დაგვართ ხელი გავუწოდოთ საშველათ.

აქაური.



უ ა ნ დ ა რ კ ი.

(შემდეგი *)



ან დარკი დაიბადა 1412 წ. შამხანის მახრის დომრემის სოფელში, უბრალო გლეხის ოჯახში. მისი დედ-მამა ლეთის მოსავეი ხალხი იყო და სოფელში პატეისცემა და კარგი სახე-

*) ის. „ქებალი“ № 27.

ლი ჰქონდათ დამსახურებული. ჟანას გარდა მათ ჰყავდათ ოთხი სხვა შვილი. თითონ ჟანა ჩუმი და წყნარი ხასიათის ქალი იყო, მორწმუნე და მშრომელი. მისი დედა იზაბო ლეთის მოყვარებაში ზრდიდა თავის ქალს.

ყმაწვილობაში ჟან დარკს ბევრი რამ ხალხური ზღაპრები გაეგონა. ჟან დარკს უყვარდა მახლობელ ტყეში თამაშობა, სადაც იგი ცხვარს აძოვებდა ხოლმე. არის გადმოცემა: ერთამ იმ ტყეში მოჩუხჩუხებდა შვენიერი წყარო და იდგა დიდი წიფელი, რომელსაც ხალხი „ფერიების ხეს“ უწოდებდა. ამ ხის ტოტებში ბუდობდნენ ფერიები და მხიარულობდნენ, მაგრამ მას შემდეგ რაც საფრანგეთს უბედურება ეწვია და ინგლისელები შემოვიდნენ, ფერიებმაც შეწყვიტეს მხიარული ცეკვა-გალობა და მხოლოდ მათი მოთქმა და ოხერა-ლა ისმოდა.

სხვა ამბავიც იყო ხალხში დარჩენილი: ერთი გრძნეულ ქალს, სახელათ მერლინს, ეწინასწარმეტყველებინოს: საფრანგეთი ქალისაგან დაიღუპება, მაგრამ ქალწული დაიხსნისო.

შეწუხებული ხალხი ასეთ უცნაურ გადმოცემებში ეძებდა ნუგეშს. ჟანა პატარაობიდანვე ხედავდა თავისი ხალხის უბედურებას, პატარაობიდანვე ესმოდა ასეთი არა ჩვეულებრივი ზღაპარ-გადმოცემები და მისმა ფანტაზიამაც შესაფერი მიმართულება მიიღო. ბოლოს იგი იქამდის მივიდა, რომ ჩვენებავებიც კი მოეცლინა.

ერთხელ ჟან დარკი მარიამობის მარხვაში დომარემის ეკლესიის მახლობლათ იდგა; უცბათ რაღაც ჩვენება განსხივდა და ამ დროს ხმაც მოესმა: „ჟანა, იყავი მუდამ კეთილი ქალი და გიყვარდეს ეკლესიაში სიარული“. ჟანას შეეშინდა ამ ჩვენებისა, მაგრამ ხმა მაინც უფროა ცხადათ უმეორებდა ერთსა-და იმა-სეე. ბოლოს მის თვალებს გამოეხატა ნათლით მოსილი ჭაბუკი, რომელსაც ნათლის ფრთები ესხა. როცა ჟან დარკი გამოერკვა ჩვენებისაგან და გონზე მოვიდა, მტკიცეთ დაარწმუნა თავისი თავი, რომ მას ნამდვილათ გაბრიელ მთავარ-ანგელოზი გამოეცხადა.

უცხოელთა ბატონობა მეტათ შესაწუხებელი იყო მით უმეტეს, რომ ნახევარ საფრანგეთი მტერს მიუდგა. ხალხი სულ ომზე ლაპარაკობდა. ხალხს ეცოდნებოდა თავისი უბედური მეფე, რომელიც ისე იყო შევიწროებული, რომ დაგვირგვინებაც კი ვერ მოეხერხებინა. ინგლისელები უწყალოდ ჩაგრავდნენ, და უსამართლოთ ართმევდნენ ტახტს და სამეფოს. რასაკვირველია, ჟანას ესმოდა ყოველივე ეს და თანაუგრძნობდა საკუთად დოფინს (ტახტის მემკვიდრეს). ალბათ ამითი აიხსნება, რომ ყოველ ჩვენებას, რომელიც მას ევლინებოდა, სარჩულათ პოლიტიკური

აზრი უდევს და ისტორიული მომენტი გამოსჭვივს. სწორეთ ამ ნივთზე აღმოცენდა ის არა ჩვეულებრივი ენტუზიაზმი, რომელიც ჟანამ გამოიჩინა შემდეგში. იგი 15 წლისა იყო, როდესაც მას კელაფ მოევლინა მთავარ-ანგელოზი გაბრიელი და უთხრა: „წიდა საფრანგეთში და დაგვირგვინე დოფინი. წმიდა ეკატერინე და წმიდა მარგარიტა იქნებიან შენი მეფეგენი“.

ჩვენებები გაუზმირდნენ, ჟანა დარწმუნდა, რომ სწორეთ ზეცა ავალებდა მას ასეთ ძნელ საქმეს და აყვედრიდა თავის თავს, რომ ასე იგვიანებდა. ბოლოს იგი მივიდა თავის ბიძასთან და ყოველივე გამოუცხადა. მან მოაგონა თავის ბიძას ძველი თქმულება, რომელიც ამბობდა, საფრანგეთს ქალწული დაიხსნისო და გამოუცხადა, რომ ის მხსნელი მე ვარო. თბოვდა, დამეხმარე, ეოკუღერის ქალაქის უფროსმა ჯარი მომცეს, რომ დოფინთან შინონში გამაცილონო. ბიძამ მიიყვანა ჟანა ქალაქის უფროსთან, მაგრამ მან სასაცილოთ აიგდო იგი და უარი უთხრა. მხოლოდ მესამეთ როცა მივიდა ჟანა, იგი დაეთანხმა, რადგან თვით ხალხში გავრცელდა ხმა, რომ ჟანა ლეთისაგან იყო გამოგზავნილი. მას მისცეს რამდენიმე მეომარი და ისიც გაუდგა გზას ცხენით, კაცური ტანისამოსით. მთელი მხარე ინგლისელებს და ბურგონიის მხედრებს ეკირათ ხელში, მაგრამ ჟანამ შეიღობით მიახწია კარლოს VII რეზიდენციას და შევიდა შინონში.

კარლოს VII-ემ არ იცოდა, მიეღო თუ არა საკვირველი ქალი. ბოლოს მან ჩაიცვა ისე, როგორც სხვებს ეცვათ, გავრია თავის ამაღაში და უბძანა შემოეყვანათ ჟანა. თუმცა კარლოსი თვალთ არ ენახა და არც იცოდა თუ იგი ამაღაში ვრია, მაგრამ ჟანამ პირდაპირ გამოარჩია იგი და უთხრა; „მე გამოგზავნილი ვარ ლეთისაგან, რომ შენ, ნამდვილი მემკვიდრე ტახტისა, წაგიყვანო რემისში გვირგვინის საკურთხებლათ“.

როცა ხანს შემდეგ კარლოსი დარწმუნდა მისი სიმართლეში, მაგრამ მაინც დასამტკიცებელი საბუთი მოთხოვა. მან უპასუხა, რომ როდესაც ორღენანს ავიღებ მაშინ დარწმუნდებიო, რადგან ლმერთს ასე სურს, რომ მხოლოდ ორღენანში გიჩვენოთ სასწაულიო.

ეპისკოპოსებმა და ლეთის მეტყველების დოქტორებმა გამოცადეს ჟანა სარწმუნოებაში. ანჟუს ჰერცოგის მეუღლემ და სხვა პატივცემულმა ქალებმა დაამტკიცეს ჟანას უბიწოება, ეს საქირო იყო იმის საბუთათ, რომ იგი, როგორც უმანკო ქალწული, მაშინდელი შეხედულებით, არ შეიძლებოდა ყოფილიყო ეშმაკეული.

შინონიდან ქანამ წერილით თხოვა სამღვდლოებებს, ფიერბოაში წმ. ეკატერინეს საყდრის ახლო მიწაში იპოვიონ ხმალი და გამოამიგზავნეთო. დამარხული ხმალი მართლა იპოვეს იმ ადგილს ღმერთს უკვირდა, რომ წმინდის ღრის ქანგი მტათ ადვილათ ეცლებოდა. ქანამ შემოირტყა ეს ხმალი, ხელში დაიჭირა თეთრი ღროშა, რომელზედაც დახატული იყო ღვთისმშობლის სახე ღმერთს პირდაპირ შევიდა ორღეანში. ინგლისელებმა ვერ გაბედეს გზის შეკერა. ორღეანის მცხოვრებთ კი იგი ნამდვილ ზეცის მოციქულათ ეჩვენათ და რწამდათ, რომ იგი თვით



ქალ. დამასკის მდინარე.

ღვთისაგან იყო გამოგზავნილი. ამას შემდეგ ქანამ კიდევ აიღო რამდენიმე სიმაგრე. მის სახელს ინგლისელები შიშით იხსენებდნენ, ფრანგები ალტაცებით. ხალხს გული მოეცა, მტერი კი სულით ეცემოდა, რადგან რწამდა, რომ ქანას უსათუოთ მანვე სულთან უნდა ჰქონდეს კეშირიო.

საკვირველი ქალი ხედავდა ხალხის გატაცებას და ცდილობდა ღრო არ დაეკარვა. იგი იწვევდა კარლოს რეიმსში გვირგვინის საკურთხებლათ, მაგრამ მცონარა კარლოსი ევრა ბედავდა.

ბოლოს როგორც იყო, რამდენიმე ახალ გამარჯვებას შემდეგ ქანამ დაითანხმა კარლოსი; კარის კაცთ შურდათ ის გაელენა, რომელიც ქანამ მოიპოვა უკანასკნელ ქამს და ცდილობდნენ კარლოსისთვის მასზე გული აეყრევიანათ. მაგრამ ხალხი აღმერთებდა ღვთისაგან გამოგზავნილ ქალს და თხოულობდა მისი სიტყვის ასრულებას. 12000 კაცით კარლოსმა როგორც იყო გაბედა რეიმსში წასვლა, თუმცა რამდენჯერმე დააპირა უკან დაბრუნება. მეტადრე მაშინ შეშინდა კარლოსი, როდესაც ერთმა

ქალაქმა კარები დაკეტა, რადგან შურისძიებისა ეშინოდა. მაგრამ ქანამ დააპირა იერიშით მსვლა ქალაქზე და შეშინებულმა ქალაქმა კედლი მოიხარა. 17 ივლისს 1429 წ. რეიმსში მოხდა კარლოსის დავიერგვინება იმ წესით და რიგით, როგორც მოითხოვდა ჩვეულება.

გვირგვინის კურთხვის ღროს ქანა ღროშით ხელში თავს ადგა კარლოსს. მთელი ევროპა განცოფრებით უგდებდა ყურს საკვირველი ქალის მოქმედებას. ამ გვარათ ქანამ შეასრულა თავისი დანიშნულება, რომლისთვისაც იგი მოწოდებული იყო.

მაგრამ ქანას ბევრი მტერი გაუჩნდა თვით საფრანგეთში. სამღვდლოება და სასახლის კაცნი ყველანი მას ემტერებოდნენ. უკანასკნელთ მეტადრე ისა წყინდათ, რომ ქანას წყალობით მათ დაკარგეს თვისი წინანდელი გაელენა. ინგლისელები ჯერ ისევე საფრანგეთში იყვნენ, პარისი მათ ხელში იყო. ბედფორდის ჰერცოგი, რეგენტი საფრანგეთისა, რომელიც ინგლისის ინტერესს საკვირველი თავგამოდებით იცავდა, არა ცხრებოდა და ომს აპირებდა. მართ-



ინდოეთის ველური კამეზი.

ლოც მოაწყო თუ არა მან თავისი საქმეები კარგათ, მაშინვე მიწერა კარლოს VII წერილი, რომელშიაც შეურაცხყოფას აყენებდა მას და უძახდა უკანონო მემკვიდრეს, რომელმაც ძალათ დაიჩემა ტახტი. ყოველი უბედურების ბრალს მას ადებდა. სხვათა შორის უსაყვედურებდა, გარყენილი ქალის წყალობით, რომელსაც კაცის ტანისამოსი ჩაუტყვას, შენ ატყუებ ხალხსაო და პასუხის მიმცემიც შენ იქნებიო. ჟანა ურჩევდა კარლოსს, რომ მაშინვე დაეცმოდა პარისს, მაგრამ ეერას გახდა. ჟანამ სახლში დააპირა დაბრუნება, მაგრამ არ გამოუშვეს. მერე თუმცა მიიტანეს იერიში, მაგრამ პარისი ვეღარ აიღეს, თითონ კარლოსმა არ მიიღო მონაწილეობა და ვისაც ჯარი ჩააბარა, ისინი სულ ჟანას მტრები იყვნენ. ამან მეტათ შეაწუხა ჟანა და მოინდომა მონასტერში შესვლა, მაგრამ არც მაშინ გაუშვეს. მის მოქმედებას მოაკლდა სიმტკიცე, რადგან კარგათ ხედავდა კარლოსის უფარვისობას და სხვების მტრობას. ჯარში დისციპლინა და წესი დეცა. ერთ უბრალო შემთხვევასაც ჰქონდა თვისი ცული შედეგი: ერთხელ ჟანამ პტყლათ დაარტყა თვისი ხმალი ერთ გარყენილ დედაკაცს და ხმალი გადატყდა. ეს ის ხმალი იყო, რომელიც მიწიდან ამოათხრეინა. ყოველივე ესე მოქმედებდა როგორც ჟანაზე, ისე ხალხზე და მართლაც მან დაკარგა უწინდელი გავლენა. მისმა მტრებმა განგებ გამოიყენეს ვიღაც ქალები, რომლებიც ვითომ ხედავდნენ ჩვენებებს. ეს, რასაკვირველია, მხოლოდ ჟანას გავლენის დასაცემათ იყო მოწყობილი. ჟანა მოშორდა უმადურ მეფეს, წაიყვანა ცოტა ჯარი და ცალკე ეომებოდა მტრებსა. მაგრამ 23 მაის 1430 წ. კომპიენტან ბრძოლაში იგი ტყვეთ ჩაუვარდათ ინგლისელების მომხრე ფრანგებს. ინგლისელებს, რასაკვირველია, გაუხარდათ ჟანას ტყვეთ დაჭერა, მაგრამ საფრანგეთის ხალხი კი მეტათ შეაწუხა ამ ამბავმა. კარლოსის კარის კაცთაც უხაროდათ, რომ თავიდან მოიშორეს ეს თავისებური მოთათბირე მეფისა.

რეგენტმა ყოველი ღონისძიება იხმარა, რომ ჟანა ინგლისელებს ჩაეარდნოდა ხელში. იმან 1000 ოქრო მისცა ლექსანბურს, რომელსაც დატყვევებული ჰყავდა ჟანა.

ბოვეს ეპისკოპოსი კოშონი ყოველათ უზნეო კაცი, რომლის სახელი შეაჩვენა ისტორიამ, დიდ მონაწილეობას იღებდა ამ საზიზღარ საქმეში, არც რეიმის არქიეპისკოპოსმა, რომელიც უფროსი იყო კოშონის და არც თითონ კარლოს მეშვიდემ ყურით არ გაიბერტყეს და კრინტი არ დაძრეს უბედური ქალის საშველათ. ინგლისელებმა კარგათ იცოდნენ, რადიდი გავლენა ჰქონდა ჟანას სახელს მის სამშო-

ბლოში და გადაწყვიტეს მისი მოკვლა. 1430 წ. დეკემბერში იგი მძიმე ჯაჭვით შებოჭეს და რუანის ერთ კოშკში ჩაავდეს. 3 იანვარს კი „ინგლისის და საფრანგეთის“ მეფის ჰენრი VI სახელით ებრძანა ბოვეს ეპისკოპოსს კოშონს, გამოიძიოს საეკლესიო სამსჯავროში ღეთის მორწმუნეობა ჟან დარკისა, რომელიც თავის თავს ქალწულს უწოდებს. თუ მას სასულიერო სამართალი გაამართლებდა, მაშინ იგი უნდა გადაეცათ საერო სამართალში, რომელიც, რასაკვირველია, „კანონიერი“ მეფის წინააღმდეგობისთვის დასჯიდა.

მეტათ გულშემოხარავს სურათს წარმოადგენს ის სამართალი, რომელშიაც უმთავრესი მონაწილეობა მიიღო სულმდაბალმა და გარყენილმა ეპისკოპოსმა კოშონმა. ეს პროცესი ნამდვილი ბარბაროსული, ინკვიზიციური პროცესი იყო და, უძველია, საკეთილო არ იქნებოდა საცოდავი ქალისათვის.

(შედეგი იქნება)

ინდოეთის ველური კამეჩი.



ინდოეთის ველური კამეჩი ისე, როგორც ვეფხი, ითვლება ერთ უსაშიშროეს და უსაშინელეს მხეცათ ინდოეთის გაუტეხარი ტყეებისა. ამ საშიშარ ცხოველს სიგრძით აქვს საყენ-ნახევიარი და სიმაღლე ერთ საყენამდის აღის. მისი თავი მოკლე და განიერია, ვინემ ჩვენებური ხარისა; ღონიერი ფეხები შედარებით მოკლეები აქვს; მის თვალებს რაღაც საშიშარი და მხეცური გამომეტყველება აჩნია; რქები ძლიერ გრძელი და მაგრები აქვს. მისი ტყავი მხოლოდ შურგზე არის დაფარული მოშავო, ანუ მიხაკის ფერი ჯავარით. ველური კამეჩი დიდი მოყვარულია წყლისა და ამიტომ მხოლოდ მდინარეებთან, ხეობებში და ქაობიან ადგილებში ბინადრობს. იმას უყვარს წყალში წოლა ან და რბილ ბალახზე გორვა. ეს ცხოველი მეტის-მეტი შეუბოვარია, იცის საშიშარი ბლავილი. დიდი გონიერი არ არის, მაგრამ მისი თავ-შეუკავებელი სიმარღე გასაოცარია. ინდოეთის საშიშარი ვეფხი, რომელიც ძალით არ ჩამოუვარდება ღომს, ველური კამეჩის წინაშე ქედს იხრის, თუ იმისთანა შემთხვევა ვერ გამოაჩნება, რომ ზურგზე დაახტეს და გაგლიჯოს.

ჩვენი ნახატი წარმოგიდგენს შემდეგს: ორი ვეფხი, ფიქრობენ წყალში მწოლარე კამეჩების,

თაყზე დადემას. მაგრამ ამ განზრახვას ისინი ვერ შეასრულებენ, რადგანაც სამი კამეჩი უშიშრათ შეებრძოლება ორ ეფებს და რქებზე ჩამოიციყნენ. საზოგადოთ ველური კამეჩები, ეფებს დიდი მტრები არიან. მოგზაური ჯონსონი მოგვითხრობს, რომ ერთხელ ქარაიანის უკან მიმყოფ კაცს დაეცა ეფები. მწყემსი, რომელსაც მახლობლათ კამეჩების ფარა მოუღოდა, მიეშველა და ეფები დაჭრა. მაშინ უკანასკნელი მიიქცა იმისაკენ გასაღლეჯათ, მაგრამ დაინახეს თუ არა ეს კამეჩებმა, იმავე წამში გაქანენ ეფებისკენ და თავისი საშიშარი რქებით სულ ნაკუწ-ნაკუწათ აქციეს.

ივანე კოტორაშვილის ამბავი

(ქარასქლის ხანობები).

III. *)



ამბობ, კიდევ გიამბობ, ყური დამიგდე კარგათა, თუ არ მიიჩნევ ნაუბარს გულის და გონის ბარგათა. სრულ ვერ გიამბობ ივანეს, რაც საქმე ჩაუდენია. ცოტას კი გეტყვი: მრავალი ტყვეობას გადურჩენია, ქართველი კაცის მას სისხლი მტრისთვის არ შეურჩენია, ბევრის სიკეთის მომქმედსა თავი არ დაურჩენია. არ უყვირია სხვებსავეთ — ეს მაღლი დამითესია, ყოფილა ჩუმთ თავისთვის, როგორც ვაჟკაცის წესია. სხვებს უთქვამთ, მტრისთვის ივანეს რაც ცეცხლი დაუკვსია. დღე და ღამ სოფლის დარაჯსა ერთხელ არ დაუკენსია. დაჩლოუნებულები მახვილი ისევე გაუღვსია. რა ნდობა ჰქონდის ომისა, როგორაც ლოსთა-ღვინისა; ომის წინ ვრჯოლა მოუდის, ტანს ურხევს მოვლა ყინისა. წესი არ იყო საფერხეთ

ცხენ-ჯორის ყოლა იმისა ქვეითა იყვის მკელივით ქარ-შავარდენზე მარდია — ოღონდ მტერს ეტყეებოდეს, სხვა არა ჰქონდის დარდია. — ან ცხენი რისთვის უნდოდა, ტყეში ათასი ბარდია!

IV

ერთხელ ყვარლის თავს ვიყვენით ჯარათ დამდვარნი მთაზედა; ლეკებს აეკლო კანეთი იმათ მიედევლით კვალზედა. აღვიღს ვემწყედით მჭიდროსა, ქანჩახებს შორის უგზოსა. მოგვეპარებიყვენ ლეკები, ფიქრსა ფიქრობდენ უღეთოსა. დაღლილ-დაქანცულ გვეძინა ნაში ნაბღებზე გვეცვროდა, მარტო ივანეს ეფებიზლა: ლაშქრობას ძილი რცხვენოდა. მტრის მოპარება ამ დროსა ვაჟკაცს ძალიან წყენოდა. მანამ ჩვენ გავიმართენით, იმას ხელთ ხმალი ჰშვენოდა, ლეკების სისხლი თნის ტყავზე ჭია ფრად გადაჰფენოდა. შეეთოქორა მტრის ჯარი და შეეჩერა სერზედა. ანგელოზს ჰგენდა ივანე, რო დაგვეკვლია ფერზედა. ერეკლემ მაშინ ჩაუდვა თავის ბეჭედი ხელზედა... ჩვენც მივეშველეთ და მტერი წინ გავირეკეთ ხვეზედა. ხმ-ლ-ხანჯლის ელვა-პრიალი ჰშვენოდა დილით მზეზედა. დაგროვდა ლეკის თავები უმრავლეს ქეიშა, ბზეზედა.

V

ერთხელ მოსულან ლეკები, ის დაღისტნელი ძაღლები, არხლათ ტყვეთ წაუყენაით კაცი, ქალი და ბაღლები. თურმე ერთ-ერთზე გაბმული მიუდის ჩენი ტყვეები, პირ-ილტოსაკენ გადვიდენ,

*) ის. „გვალა“ № 27.

გაეღეს ჩაბანოს ტყეები.
 გაიგო კოტორაშიელი,
 ცეცხლი დაენთო სახეზე.
 „არ გათრეინებთ რჯულ-ძალთა“
 ზედ დაეწერა კვახეზე.
 გაუღდა მდევრათ მარტოკა,
 ოფლი დიოდა შუბლისა.
 იმან თავის ღრო იცოდა,
 ღრო ტყეების და ჩხუბისა;
 უკილოთ როდი დაიწყის
 ქნევა ხმლისა და შუბისა.
 მისდევდა შორი-ახლოსა—
 თვალს ადევნებდა შორითა;
 ნახა, რომ ლეკის ლაშქარი
 თავქვე დაეშვა გორითა.
 ილტოზე როცა ჩავიდენ,
 შეუდგენ ლოცვა-ბანასა,
 რას მოელოდენ მდევარსა
 და ვაგლახს იმისთანასა.
 ტყეები დაბუზულები
 წევან წყლის პირათ ჩაღასა.
 ივანე ახლოს მიუჯდა
 იმ ხელის მიმცემს ხანასა.
 ხმლით დაერია ლეკებსა,
 მისთიბდა როგორც ყანასა.
 გაჟლიტა ყველა და ერთიც
 აღარ გადურჩა მძევლათა.
 არ დარჩა ერთი წამლები
 ამბის დაღისტნის ევლათა,
 აღარ ეღირსა არც ერთსა
 დაჯდომა თავის კერათა.
 ტყეებს დაუხსნა ხელები,
 მისცა ლეკების აბჯარი,
 თავისთვის არ გაუწირავს
 დანაც კი, გან თუ ხანჯალი.
 აბა რა გამაღიდრებდა,
 გუნება ჰქონდა ამ გვარი!
 გაჰქრა თვით ჟღერანს ტყეშია,
 გაფრინდა, როგორც კანჯარი.
 ღონესთან ჰქუაღ დიდ ჰქონდა,
 გული ხომ ედგა ლომისა,
 მეტათ ლამაზათ იცოდა
 წესი და რიგი ომისა.
 მას არა ჰქონდა წესათა
 მტრისთვის მოეჭრა მარჯვენა;
 ან კი სად დაეტევოდა,
 მას ერგებოდა რამდენა?
 „მტერს რო მოკვლიდის“, იტყოდის:
 აგელარა ეჯიჯგნი; მრცხენია,

მკედარს რო მარჯვენა მოეჭრა,
 რა ჰქვაში მოსახდენია.
 რა ბიჭობაა უსულოს
 ლეშს კიდევ სისხლი ეადინო,
 რა გაიგება, უფუალსა
 იქნებ ამით რამ ვაწყინო...“
 ერთი შეემთხვა მას საქმე
 მინდა იმ ამბით გაცინო.

VI

მკათათვე არის, ხომ იცით,
 გაჩაღებული ზაფხული;
 მთა-ბარი ამწვანებული,
 ეელი ყანებით შემკული.
 ადგა ივანე წავიდა
 და იორშია ბანაობს,
 ერთ დიდ მორევში დაცურავს,
 ტივის ხესავით ქანაობს.
 იერის პირს დიდი ლოდია
 ჩამოთრეული მთიდანა,
 შავ-ფერა ჩამონახეთქი
 მაღალის შავის კლდიდანა.
 ამოხდა, ქვაზე ჩამოჯდა,
 მარტოკა შალგრის ამაჩა;
 შუა დღის ხანიც მოვიდა
 და ცამაც მოიკამარა.
 იქვე ტყეა. ახლა ტყე
 ხომ აღარ არის ხშირია,
 ერთი გორობა ჩამოდგამს
 ქალას უბჯენავ ცხვირია.
 სოფლიდან ვერ მიწევდა
 იქამდის დანაყვირია.
 კარგა შორია. ცხენისთვის
 სწორეთ ერთ მუხლათ სარბენი.
 იმ ცხონებულსა „ვიამე“
 საქმე გადაჰხდა რამდენი!
 კაცს, ალბათ, არ თუ აცდება
 რასაც დაუწერს გამჩენი.
 ის ნიადაგა ცხონდება,
 იმ საქმეების ჩამდენი.
 თურმე იმ გორზე ლეკებიც
 მამლის ჯოგით მსხდარიყვენ,
 სადაელოს უთვალთვალვდენ
 რჩევა-თათბირზე მდგარიყვენ:
 ვინ დაეტანჯათ, ეწვალათ,
 ელხინათ იმის ბრალითა—
 და ამ ღროს არ დინახეს
 კოტორაშიელი თვალითა!

ჩენის ივანეს დაჭერა
ერთს ლეკს აელო კისრათა.
ტიტველ ტყვის შესაპყრობათა
კიდევ წასულა ფიცხათა.
უკანით მიჰპარებია,
დაუტაცია ხელები,
რილათ აისხნას ივანემ
მკლავს დახვეული გველები,
„ლეკო, შენ მიჭერ?!“ ეს კი თქვა,
ხმალს ბეჩავს ვინღა მისცემდა;
ხმალიც შორს იღვა, ფარიცა,
თუმც იქით გული მისწვდა.
ეს ლა იღონა: წამოხტა—
და გამოიქცა შინაო,
ლეკი კი ზურგზე აკერია,
კისერში გაეკბინაო.
კბილით ეგლიჯა კისერი
და სისხლი ჩაედინაო.
ცოცხალ-ცოცხალი ლეინა
სოფელში მოგვიჩინაო.
ზურგით რო ესხნილით მეკობარს
მაშინ კი გაიღიმნაო.
რა აცინებდა ბეჩავსა:
სისხლი კოჭამდე სდენოდა,
რჯულ-ძაღლს ძაღლივით ეგლიჯა,
მხარ-ბეჭზე ჩამოდენოდა;
მაგრამ ივანეს მის კბენა
ოდნავაც არა ტყენოდა.
ლეკი ცოფიან ძაღლს ჰგავდა,
სისხლიანს კბილებს აღრჭვენდა
და თვალებს გაფაციცებით
აქეთ და იქით არბენდა.
რა აშინებდა ბეჩავსა
იმას არავინ არბენდა.
გაოცებული გვიცქერდის,
იღმიჭებოდის ცუდათა,
ის თუ ეგონა მოეკლავდით
და გავბერავდით გულათა.
სწორა ნაფიქრი ხან-და-ხან
კაცს აუხდებდა მრუდათა!
უფრო ივანეს უცქერდის
თავით ფეხამდე ჰზომავდა;
თავის თავსა და იმასა
თითქოს თვალითა წონავდა.
თვალებით „შემიბრალებთო“
გვეუბნებოდა ყველასა.
ლუნოს კი არ აგდებს, მარტოკა
აქმატუნებდის წვერასა.
ლეინა ჰგვანდა მაშინ ის

ხაფანგში გაბმულს მელასა.
ივანემა სცა ნუგეში:
„ნუ გეშინია ძმობილა,
არ მოგკლავს კოტორაშვილი,
ივანე დედი-შობილა!“
და არც რო მოჰკლის, როს მტერი
გეივარდებოდა ხელათა,
გულში კი მაინც შურობდა,
ეკიდებოდა ხმელათა...
არ გეაცემინა ლეკისთვის
შამოგვიტია მკვანეთა.
„მოჰშორდით, თავი ანებეთ,
ავს ფიქრს ნუ გაიძრახებთა!
რა ქნას, თავისას ცდილობდა
სხვა რომ არ ჰქონდა სახსარი,
კბილები იყო მაგის ხელთ,—
მაგის ხმალი და ხანჯალი.“
ჩვენც გაუვკონეთ... მაგრამ კი
ბაღლები ჩხელეტდენ ჯოხებსა
და აფარებდენ თვალბეჭე
ზოგი ქუდს, ზოგი ჩოხებსა.
მთელი ქვეყანა იქ შეკრბა
სოფლიდან, დიდი, მცირია.
ქალებს ივანეს საცქერლათ
მოელამაზათ პირია.
შეჭფოფინებდენ ვაჟკაცსა,
რაკი მოწონდათ გმირია!
მაგრამ ვაჟს რას ათამაშებს
მათი დაკრული სტივრია!?!..
ვერც კი ჰხედავდა, სად იყვენ
სხვაგნით ეჭირა ცხვირია,
ამ შემთხვევაში ნამდვილათ
იყო უცოდლო მწირია.
არ დაგიღვედა ქალთ ტრფობას.
ჩალათ არ ჩავიხედავდა;
ლიაცთ მიმყოლსა ვაჟებსა
ძლიერ ცუდს თვალზე ჰხედავდა...
ბოლოს კი ცოლიც მოეგვარეთ,
გადავეკიდეთ სოფელი:
„უძეოთ რათ იკარგები,
რათ ჰხდები ღეთისა მცმობელი“.
და როგორც იქნა გავხადეთ,
ერთის ვაჟის მშობელი.

ცოლი ჰვიცავდა თვითონა
როდი ჰმალავდა ამასა:
„თუ არ მე, ახლა ეგ ბაღლი
არ ექნებოდა მაშასა.
ეს იყო მისი ბუნება,
იყო ამ გვარის ზნისაო,
კოტორაშეილი ივანე
ლევა მიმინო მთისაო.

ვაჟა-ფშაველა.

(შემდეგი იქნება)



კრიტიკული წერილმანები.

I.



ოღონს ვიხდით მკითხველთან, რომ დღევანდელი წერილი თვით ჩვენი ლიტერატორების მიერ ჯვარცმულ და წამებულ ქართულ ენაზე ლაპარაკით უნდა დავიწყოთ. იქნება ასეთ წერილში ეს ერთობ უალაგოთაც გეჩვენოს, მკითხველო; ჩვენც გეთანხმებით; მაგრამ რას იზამთ, როცა არც ერთი მწერალი ისე არ გამოსულა ჩვენში სამწერლო ა' პარეზზე, რომ ქართულ ენასა და „ვეფხისტყაოსანზე“ არ დაეწყოს წერა. ვინ იცის, იქნება ქართული ენა და სახელოვანი შოთას „ვეფხისტყაოსანი“ ქართული მწერლებისათვის ის წმინდა ქაბა იყოს, რომელსაც „ყველა ცოტათ თუ ბევრათ შეძლებული არაბი მთელ თავის სიცოცხლეში ერთხელ მაინც ინახულებს, შევიჯჯერ თაყვანსა ცემს და შევიჯჯერ ემთხვევა და სხვ.“ თუნდა ესეც არ იყოს, ხომ გაგიგონიათ ქართული ანდაზა: „შეჩვეული ქარი მირჩენია შეუჩვეულ ღვინსაო“, რაც შეურყეველ ქეშმარიტებათ მიაჩნია ქართველ კაცს.“

ამას შემდეგ აბა, რა გასაკვირია, რომ ჩვენც მამათა მცნებას არ ვლალატობთ და ქართულ ენაზე ლაპარაკით ვიწყებთ ჩვენს წერილს...

დღეს ყველა შეგნებული ადამიანისთვის ცხადია, რომ ენა ისე განვითარებული, როგორც დღესა გვაქვს, თავდაპირველათ არ გაჩენილა. მეცნიერებამ დღეს საკმარისათ ნათელი მოჰქვინა სხვათა შორის ვნის განვითარების ისტორიასაც დიდებულმა დარეინმა ჩინებულათ დაგვიმტკიცა, რომ ენაც იმავე ევოლიუციის კანონს ექვემდებარება, როგორც სხვა ყოველისფერი. მოგზაურები დღესაც ასახელებენ ისეთ ევლურ ხალხებს, რომელთა ლექსიკონიც მხოლოდ რამდენივე სიტყვისაკან შედგება. უნდა ე-

ფიქროთ, რომ დღევანდელი განათლებული ერების ენაც ასეთი იქნებოდა ოდესმე. მაგრამ დღეს კი ამ ერთა ენა ძირითადად განირჩევა პირველ-ყოფილ და ევლურ ხალხთა ენებისაგან.

რას მოუხდენია, მკითხველო, ეს ცვლილება? რას შეუქმნია ის შეენიერი მუსიკალური ენა, რომელიც ასე სხვა-და სხვა ჰანგებზე გესმის და გეტკობს სმენას?

ამაზე გადაჭრილ პასუხს იძლევა მეცნიერება და ეს პასუხი უმეტეს-ნაკლებით შემეცნოლია შემდეგი ანდაზით გამოეთქვათ: „საჭიროება დედა ყოველი შემოქმედებისა“...

ძველათ, როცა ეროვნული კარ-ჩაკეტილობა სუფევდა, როცა არა თუ მთელი ერი თვით კერძო თემი, სოფელი და პატარ პატარა საზოგადოებებიც კი ჩინური კედლებით იყო გარე მოცული, ენაც მარტივი და თავისებური იყო. ეს იმიტომ, რომ ყოველი ერი, ან ერის რომელიმე ნაწილი განკერძოებულათ ცხოვრებდა, თავისი ინდივიდუალური ინტერესები ჰქონდა. არც ერთი ერი არ დაგიდევდა სხვა რომელსამე ერის ცხოვრებას, ან კი რა საჭირო იყო ეს მაშინ, როცა ყველას თავის კარ-მიდამოში, თავის ჰერ-ქვეშ შეედლო ცხოვრება. ის არა თუ სხვა მეზობელი ერების ცხოვრების შესწავლას არა ცდილობდა, პირ-იქით, კიდევ ეშინოდა თავს არაფერ და მეცესო. ამიტომ ის სრულებით არ დაეძებდა გზებს სხვასთან მიმოსვლისათვის.

რა თქმა უნდა, ამ დროს ყოველ სოფელს თავისი განსაკუთრებული ცხოვრება ჰქონდა; ყოველი სოფელი, ყოველი თემი თავისებური იარაღით იკმაყოფილებდა ყოველგვარ მოთხოვნილებას. ამ დროს ენაც, როგორც ერთი უსაჭიროესი იარაღთაგანი, თავისებური და ინდივიდუალური უნდა ყოფილიყო. მაშინდელ ენას ძლიერ ცოტა ნათესაობა ჰქონდა თავის მეზობელ ენებთან. კიდევ მეტს ვიტყვი: არა თუ სხვა ერების ენებთან, თვით ერთი რომელსამე ერის ენაც სულ სხვა-და-სხვა ნაწილებათ, სხვა-და-სხვა დიალექტებათ იყო დაყოფილი, თვით ერის გეოგრაფიულათ დანაწილების მიხედვით. ეს იქიდანაც მტკიცდება, რომ დღესაც, როცა ენა და ლიტერატურა ასე განვითარდა, ყველა ერის ენა საესეა პროვინციალიზმებითა. ასი წლის წინეთ, საფრანგეთის დიდი რევოლუციამდე, თითონ ფრანგული ენა რამდენსამე სხვა-და-სხვა პროვინციალურ ენათ იყო დაქუცმაცებული. მაშ რა გასაკვირეელია, რომ ვანდელ გლენს პარისელი ფრანგული ვერ გავგო, პარისელს ვანდელი და სხვა?.. მაგრამ განა მარტო ვანდელა? თვითონ ლიონი, ის ლიონი, რომელსაც მილტიადის დიდების გვირგვინი მოსვენებას არ აძლევ-

და და თვით პარისს ეცილებოდა პირველობას, ძლიერ განირჩეოდა და დღესაც განირჩევა ამ მხრით. აბა, ამას შემდეგ რაღა გვეთქმის ჩვენ თანამომხებებზე: მეგრელებზე, სვანებზე და მთიულელებზე?..

დღეს ყველა ერთ ხმით აღიარებს: მეგრული იგივე წამხდარი ქართულიაო. მაგრამ იმას კი ვერაინ გვეუბნება, თუ როგორ მოხდა ეს ასე. ჩვენის აზრით, თუ მეგრული იგივე წამხდარი ქართულია, ეს უნდა აიხსნას სათემო კარ-ჩაკეტულობით.

მაგრამ დრონი იცვალენ და სხვა და-სხვა ერთა შორის აღმართული ჩინური კედელი დაირღვა... ძველი კარ ჩაკეტულობის ალაგი ცხოვრების ახალ პირობებში დაიჭირა. საქირია შეიქმნა სხვა-და-სხვა თემთა და ერთა შორის მუდმივი კავშირის და-მყარება. თანდათან გაიზარდა და გაცხოველდა სხვა-და-სხვა ერთა შორის დამოკიდებულება, მიმოსვლა; გაჩნდა ალებ-მიცემობა, ვაჭრობა. ეს ცვლილება მო-ახდინა კაპიტალისტური წარმოების აღორძინებამ. ამისათვის გაიჭრა გაუვალი ტყეები, და იქ, სადაც უწინ ჩიტიც კი ვერ გადაფრინდებოდა, გაჩნდნენ რკინის გზები, ტელეფონ-ტელეგრაფები, ორთქლით მავალი გემები... ადამიანი ძალა-უნებურათ აყოლა კვალ-და-კვალ ცხოვრებამ; ძველათ თუ თავის სოფლის გარეთ არაფერს ხედავდა, დღეს დედა-მიწაზე-დაც აღარ ეტყევა.

ყველა ამას ის მოყვება, რომ ცხოვრება დღეს ყველგან გაერთფეროვანდა, თუ ასე შეიძლება ითქვას; დღეს ყოველ ხალხს ერთი და იგივე საზოგადოებრივი აქვს; დღეს რაც ვერობას აწუხებს და აფიქრებს, ის აწუხებს და აფიქრებს რუსსაც, ქართველსაც, სომეხსაც. ყველასთვის ერთი და იგივე უკმეხი კითხვა წამოუყენებია ცხოვრებას: „ან შემომიერთდის და ჩემს ფერხულში ჩამოვღვი ფეხი და ან საი-ქიოსაკენ გაემგზავრო?“.

ა, აქ ინგრევა ბაბილონის გოდოლი. აქ უახლოვდება ერთი ერის ენა მეორისას. ცხოვრების გაფართოებამ დაბადა საქირება უწინდელი ვიწრო ფარგლით შემოხაზული და მარტ-ვი ენის გაფართოებისა. ამის გამო ერთ ერის ენასაც არ შერჩენია დღეს ძველი ქალწულებრივი სიწმინდე. ამას ყველა კარგათ გრძნობს; მაგრამ არც ერთი შეგნებულები ადამიანი, არც ერთი შეგნებულები ნაწილი კაცობრიობისა არა წუხს ამავზე. არც ერთ დაწინაურებულ ერს, რომლის ისტორიულ მსვლელობასაც კი აჩნია კულტურის ნიშანწყალი, არ გადაუტყვევია ამის შესახებ წუწუნი ცხოვრების მიზნათ; მართალია, ენა მრავალ მეცნიერთა კვლევა-ძიების საგნათ არის დღეს გამხთარი, მაგრამ ამ კვლევას ძველი ენის ადგენა, და ცხოვრებაში შემოღება კი არ აქვს სახეში.

ენათა მეცნიერება პირიქით სულ სხვა გზას დაადგა ამ ბოლო დროს. ის, ერთი მხრით, ყოველ ღონეს ხმარობს გამოიკვლიოს ენის განვითარების პირობები და მეორე მხრით, რაც შეიძლება სულ უფრო და უფრო დაუკავშიროს ერთი ენა მეორეს. კიდევ მეტს ვიტყვი: ის ცდილობს ერთი მსოფლიო, საერთა-შორისო ენის შექმნას. ამიტომაც ამ ბოლო დროს ენათა მეცნიერებმა ცადეს კიდევ შემოღება ერთი საზოგადო ენისა, მაგ.: ეოლიაპიუკი, ესპერანტო და სხვა. .

ჩვენ აქ არაფერს ვიტყვი იმაზე, თუ რამდენათ ნაყოფიერი, რამდენათ სასარგებლოა მეცნიერების ცდა ამ მხრით; ხოლო ის კი ქეშმარიტებათ მიგვაჩინია, რომ იმან აიღო ცხოვრების ნამდვილი ალღო...

ასეთია, მკითხველო, ცხოვრება; აბა, ვის და რას არ უცვალა ფერი მისმა ყოველის შემძლებელმა მიმდინარეობამ? განა ტყუილათ შეტირის ერთი ჩვენი პოეტი ამ ცხოვრების სასტიკ დამარღვეველ ძალას:

„გა, ცრუ სოფელო, დაუნდობელო,
შენში კეთილი სად აწს ფერ-უცვლელო?“

ქვეყანაზე არაფერი არ წარმომდგარა, არაფერი არ განვითარებულა თავისი შინაგანი სურვილითა და ნებით. ყოველიფერი ნაყოფია გარეშე ძალისა, გარეშე მოთხოვნილებისა. ძველ ისტორიას რომ არ გამოვეყიდიოთ, აბა ვინ არ იცის, მკითხველო, რომ თითონ ქართველი, ეს ერთი მუჟა, სჯულისა და თავისუფლებისათვის წამებულია ერი, როგორ შეიცვალა ამ რამდენიმე ათი წლას განმავლობაში? ქართველმა დღეს უკუაგდო ის ბასრი ხმალი, რომლითაც უწინ მტერს იგერებდა; უკუაგდო ძველი, ნახევრათ ველური ცხოვრება და მოქალაქობრივ გზას დაადგა. და იქ,

„სადაც აქამდინ სძლით და ძლით ჭფლობდა ქართველი,
შენ სამშვიდობო მოქალაქის მართავს აწ სელი“.

რამ მოახდინა ასეთი ცვლილება ამ ცოტა ხანში? რამ შექმნა ეს ორი ერთი მეორის მოწინააღმდეგე ქართველი ტიპი? რამ შეცვალა უწინდელი მეომარი დევ-გმირი დღევანდელ მრეწველათ, ვაჭრათ და სხვ?.. ამაზე ერთათ ერთ გადაჭრილ პასუხს იძლევა ჩვენი ისტორია: ეკონომიური პირობების შეცვლამ.

თუ უწინ ქართველი მტერს იგერებდა, მაშინ ამას ითხოვდა ცხოვრების პირობები. თუ არა ხმლით, ისე მტერს ვერ მოიგერებდი, ვინც უნდა ყოფილიყავი... მაგრამ დღეს სულ სხვა ქარმა დაჰხერა და ხმლის ალაგი მოქალაქებრივმა ცხოვრებამ დაიჭირა.

რა თქმა უნდა, რომ ენაც ვერ აცდებოდა ამ საერთო ევოლიუციის კანონს; მაგრამ ჩვენი წმინდა ქართულისა და პატრიარქალურ-იდილიური ცხოვრე-

ბის ერთგულ დარაჯებს ვერ გაუგიათ ეს გარემოება; ისინი რაღაც ზეგარდმო ძალით ხსნიან იმას, რომ „რუსთაველის ენა“ დღეს ის არ არის, რაც რუსთაველის დროს იყო... ამ ენის შეცვლას ისინი მხოლოდ ახალ-თაობას აბრალებენ და სამართლიანათ თუ უსამართლოთ გოდებენ: ჩვენი ახალი თაობა გადაგარბეს გზას დაადგა, ქართულ განათლებას არ იღებს, ქართულ ენას რიგიანათ არ სწავლობსო. მეორმოცდა-ათე წლებიდან დაწყებული დღემდე ეს შეჭქნიათ იმათ მსჯელობის და კამათის საგნათ; ამისთვის შეუღლებიათ თავიანთი ძალ-ღონე. ერთი თავობა ჩვენში მეორეს ამტყუნებს ენის „გარყენასა და წაბილწვას“, მეორე მესამეს და სხვა.. დიდი ხანია მას შემდეგ, რაც ერთი ჩვენი ნიჭიერი პოეტი, ოლიმპის მთის მწვერვლიდან თავისებური ზე-ალმატაცი ძალით აცენებდა ჩანგს და ზედ ნაღვლიანათ ამღერებდა.

„რა ენა წასდეს, კრძე დაეცეს,
წაეცხოს ჩიჭვი ტაძარსა წმინდასო“..

ეს სიტყვები თითქმის დღესაც ჰეშმარტებათ არის მიჩნეული ჩვენ ლიტერატურაში და იქნება ეს იყოს მიზეზი, რომ ყველა ჩვენს მწერალს ენაზე წერით მოუწოდებდა თავის გამოჩენა.

უაწიბი.

ტომ ჩიკვაიძემ შეაგროვა და გადმოგვცა 36 მ. 80 კაპ., დავით ლოლაძე თბილისში ჩავიდა თავის ხარჯით და სამკითხველოს ფულით იყიდა საჭირო ნივთები.

იოსებ მესხი.

* *

ქ.ნო. რედაქტორო. განვიძჩანეთ ამა წლის 1 თებათვიდან დეკანოსოთ ს. აღში სახალხო ბიბლიოთეკა. ამ საქმისათვის ჩვენ უკვე მივიღეთ ბ. პ. ი. როსტომაშვილისაგან 18 ცალი წიგნი, თვისივე გამოცემანი, რაზედაც უგულითადეს მადლობას ვუძღვნით პატიეცემულ გამოცემელს.

იმედი გვაქს, რომ ჩვენი საზოგადოება გულცივით არ შეხედავს ამ საქმეს და აღმოგვიჩენს შემწეობას: ფულით და წიგნებით.

ვიმედოვნებთ აგრეთვე, რომ არც ჩვენი რედაქციები და წიგნების გამოცემელი ამხანაგობანი დაიშურებენ თავიანთს წვლილს და მოგაწუდენენ: პირველნი ჟურნალ-გაზეთებს და მეორენი წიგნებს. შემოწირულობა მიიღება ამ აღრესით: ВЪ м. Сурამъ-Али. Учителю Альской Школы Александру Цицагишвили.

* *

ს ა მ მ ე რ ს ი მ კ უ რ ს ე ბ ი

ქ ზ ლ ე ბ ი ს ა და ვ ა ჯ ე ბ ი ს თ ვ ი ს

(წ ე ლ ი მ ე თ უ თ ს მ ე ტ ე)

რედაქციამ მიიღო შემდეგი გამოცემანი:

- 1) სამი მსხვერპლი, დრამა 5 მოქმედებათ და ს სურათათ, თხზულება დ. ჯავახიშვილისა, გვ. 134; ფასი 25 კ.
- 2) Руско-Грузинскій Словарь по Астрономіи, Зоологіи, Минералогіи и разн. терминовъ техническихъ словъ. Сост. Конст. Димит. Кишіани. Тифлисъ. Цѣна 50 კ.
- 3) უმანკო მსხვერპლი, მოთხრობა იასე რაჭველისა, ახალ-სენაკი. გვ. 23, ფ. ერთი შაური.
- 4) ცხოვრება ფილარეტისა, თარგმანი მ. შარაძისა, მეორე გამ. შარაძისა და ამხანაგობისა. გვ. 31, ფასი ერთი შაური.
- 5) ცხოვრება მარიამ ეგვიპტელისა, თარგმანი მ. შარაძისა, მეორე გამოცემა იმავე ამხანაგობისა, გვ. 17, ფ. ერთი შაური.

* *

ქ.ნო. რედაქტორო. გამკვება სურამის უფასო სამკითხველოსი უპორჩილესათ გთხოვთ, ნება მომცეთ მადლობა გამოცეხადლოთ თქვენი პატიეცემული ჟურნალი „კვალის“ საშუალებით შემდეგ პირთ, რომელნიც წიგნებით, ფულით და საქმით დაენმარენ აღნიშნულ სამკითხველოს.

თვადმა ზნაქარია ხიდირბეგიშვილმა შემოწირა სრული თხზულებანი მაინრიდისა შენეირი ყდებით, მიხეილ ნიკურაძემ — 14 ცალი ქართული სახალხო ლ საყმაწვილო წიგნები, ბ. იუზბაშოვმა — რამდენიმე რუსული წიგნი, აქაურ სასამართლოს მდივანმა როს-

კურსების დანიშნულება ის არის, რომ სპეციალური საკომერციო განათლება შესძინოს მსურველთ, როგორც ქალებს, ისე ვაჟებს და მოამზადოს ვარჯიშობის შემწეობით ანგარიშის დახელოვნებით მცოდნენი.

სწავლის გათავებას შემდეგ ატესტატები ეძლევათ. 1896—97 სამოსწავლო წელს შემდეგი საგნები იქნება სასწავლებელი: 1) საკომერციო ეკონომია, 2) საკომერციო არითმეტიკა, 3) უსგალტერა მარტივი, ორეციც და საბანკო, 4) არითმეტიკა საანგარიშო ჩოთქით, 5) საკომერციო მიწერ-მოწერა, 6) საკაჭრო და სათამაშუქო წესდებანი, 7) მსწრაფლ-წერა და წერა გავრული და შნოისნი (исправление дурного почерка).

სწავლა დაიწყება 16 სექტემბრიდან. ახლოთ შემომსვლელთა მიღება დაიწყება 2 სექტემბრიდან. ყოველ დღე დილის 10 საათიდან თერთმეტამდე და საღამოს 4 საათიდან 8 საათამდე, კურსების სადგომში, სახლი ალექსანდრე ფრედონოვისა № 9, სურგუიოს და ნაგონის ქუჩაზე, აფთაქის პირდაპირ.

პროგრამები და წესები კურსებისა უსსეიდლოთ შეიძლება მიიღოს მსურველმა კურსების სადგომში და ძმათა წოვიანოების საბანკირო კანტორაში, სიონის ქუჩაზე.

ვინც ქალაქს გარეშე ცხოვრებს, შეუძლია წერილით მიმართოს კურსების დამარსებელს პ. მანუელაიანს, ტფილიში.

ნ უ შ ო .

(მოთხრობა)

(დასასრული*)

XVII.



ოსანა რუსეთშიაც საუკეთესო მოსწავლეთ
ითვლებოდა, იმისმა გამჭირახმა გონებამ და
დაულალავემა შრომამ იქაც დაწინაურეს ეს
ახალგაზდა. ეს კი იყო, ძალიან ბევრს ჯათაობდა, რად
გან ცხოვრებას იცნობდა, კარგათ ესმოდა, რომ
შემდგომში არ ექნებოდა იმდენი შეძლება და თამ
ვისუფალი დრო ისე მთლათ მიცემოდა სწავლას, რომ
გარც ახლა შეეძლო. ახლა რა ჰქონდა სხვა საზრუნ-
ველი? არაფერი, სრულებით არაფერა! ხაზათ და-
ეწაფა ცოდნას. გარდა ამისა ამ შრომაში აღრზობდა
ნადევლს, რომელიც შემოსწოლოდა იმას მას აქეთ,
რაც თავის ქვეყნიდან გასულაყო და ყველაფერ
მშობლურს მოშორებოდა. ერთი მხრით შრომამ,
მეორე მხრით ჰაერის სისასტიკემ და შეუჩვევრობამ
ცუდით იმოქმედეს იმას ჯანმთელაზაზე.

შეასრულა სწავლა. გაგზავნეს დასავლეთ რუ-
სეთში. მართალია, გვარიანი ადგილი მაცეს, მაგრამ
იქაურმა სინოტიემ დაზიანებული ადადამიანი უფრო
დააძაბუნა, იქნება ამ სიძულესი დაკარგვანზე იმის ხა-
სიათსაც ჰქონდა გავლენა: ძალიან გულ-ჩათხრები-
ლი კაცი დადგა, თავის ცხოვრებას ოთხ-კედელ შუბ
ატარებდა, თავის პირდაპირი მოვალეობისა და წიგ-
ნის კითხვის მეტა იმას არაფერა ახალისებდა. მას
შემდეგ, რაც ნუშოს გათაჯების ამბავი გააგო, კი-
დედ უფრო დანაღულიანდა. სწებებს რომ იმის გრძნო-
ბა ყმაწვილურა და უსანო გატაცება ეგონათ, თი-
თონ დიდათ მიიჩნდა ეს გრძნობა, თითონ იცოდა
რომ ეს ნამდვილი ისარია სიყვარულისა, რომელიც
მარტო ერთხელ დაესობა გულს, რჩეულ გულს და
უკურნებელათ დაკოდაეს მას. იმედიცა ჰქონდა, რომ
ბედა არ უტყუებდა. აღრადკანვე ეს იმედი იყო
იმისთვის ცხოვრებას გზის მანათობელი სხივი, ნუ-
შო ამხარულვებდა, ამხნეებდა, ანუგეშებდა ასულ-
დგმულვებდა იმას. ჩაათუთქა, რაცა გაიგო რა ადვი-

ლათ გაცვალეს ის სხვაზე. მას აქეთ იმის გული
აღარ ამღერებულა, სიყვარული აღარ უგვრძნია,
იქნება იმისთვის, რომ ნამდვილი სიყვარული ვერ
გამეორდება, გული ვეღარ დაიტევს მეორე იმისთა-
ნა გრძნობას, ან იქნება იმისთვის, რომ ახალგაზდა
საზოგადოებაში იშვიათათ გალიოდა, თითქმის არავის
იცნობდა და ვერ შეხვდა ისეთ ქალს, რომელიც
კვესათ მოხდამოდა იმის გაქვავებულ გულს და სიყ-
ვარული ნაპერწკლებით გაეშუქებია, გაეპყინებია,
გაეებო, აენთო ის.

მთავრობა აფასებდა სოსანას ნაყოფიერ შრომას
და როცა დარწმუნდა, როგორა ენებდა იმას უცხო-
ობა და უცხო ჰავა, უსმინა თხოვნა, თბილისში გად-
მოიყვანა. შემოდგომა მიწურული იყო, როცა სო-
სანა ჩამოვიდა ქალაქში და დაბინაედა. დიდი დალა-
გება კი არ დაჭირებია: მთელი იმისი ავლა-დიდება
წიგნებისაგან შედგებოდა; ეს საუნჯე კი, ლეთის წი-
ნაში, ბევრი შეეკრება. დაბინაედა თუ არა, გარეთ-
უბნისაკენ გაეშურა: თავის ნაცნობების ნახვა მო-
წყურებოდა, თანაც უნდოდა ნუშოს ამბის გაგება.

უმთევრო ღამე იყო. წვიმა. ბნელოდა. ქუჩის
ფარნები მარტო იმდენათა ბეჭუტადენ, რომ შეიძლე-
ბოდა იმათი მიგნება. ტალახი კოჭამდინ წედებოდა.
ცალ-ხელაანთ მართას კარები ჩაეკეტა, მიჯდომოდა
პაწაწინა ლამპარს და წინდასა ქსოედა. ციოდა. თუ-
ნუქის ძველ ლუმელში ნახშირი ჩანელბულიყო. დე-
დაკაცს შალის-ძველა წამოესხა მხრებზე, თავზე ხი-
ლაბანდა გადაეჭირა, ქალარა კაეება გამოსწეწოდა.

— სტუმარი არ გინდათ? შემოავსმა ხმა.

მართამ თითქო კიდეც იცნო კაცის ხმა, ვერც
ნამდვილათ მოიგონა.

— სტუმარი ლეთისაა. ეინა ხარ?

— მე ვარ, სოსანა ვარ!

მართა მინც ვერ ჩავარდა გონებაში.

— ახა მღერით! ეინ იქნება ამ დროს? ჩაილა-
პარაკა დედაკაცმა და წამოდა.

კარი რომ გააღო, შემკრთალივით შედვა. სო-
სანამ გაუღიმა დედაკაცს და აკოცა. მართამ სიხარუ-
ლით ტირილი დაიწყო. გვეენას გამოლვიძებოდა,
გაეგო სოსანას მოსვლა და შევიდა მართასას. გაი-
გეს სხვა მეზობლებმაც. გაიშო ოთანი. ისე ეგებო-
დენ ამ კაცს, თითქო ძმა ან შვილი მოსვლიათო.
აღარ გაუშვეს ეახშმათ. ეინაც რა ჰქონდა, მოიტანეს.

*) ის. „კვალა“ № 27.

გეგენამ ქანარის ნახევარი შემოიტანა. არიფანასავით გამოვიდა. ნარიყი მოიტანეს საიდანღაც, ბუხარი გამხიარულეს. არც ზურნა იყო, არც სიმღერა, არც სმა, არც ჩრეული საქმელები, მხიარულება კი ღიდი იყო. შეჰყურებდნენ უბნის შვილს და უხაროდან, სასახლოთ მიაჩნდათ. ის-ღა აღონებდათ, რომ ეს ახალგაზდა უწინდელათ ყინქლილივით აღარ იყო. ბოლოს ესეც დაიფიქვს, როცა ყმაწვილმა დააშოშმინა, გზამ გალახაო. ყველაფერი მოიგონეს, არც ახალი, არც ძველი არ გაუშვეს. ერთი უკვირდა სოსანას: ნუშოზე კრინტი არაფერ დაძრა, იმას კი სწორეთ იმ ქალის ამბის გაგება წყურბოდა. ბოლოს ევლარ მოითმინა და იკითხა:

— მაგდა როგორ-ღა ცხოვრობს? ხომ შვიდობით არის?

— მაგდამ შენი ჭირი წაიღო, შვილო! მიუგო მართამ.

— აქამდინ არ გაგიგია ეგ? გაიკვირვა გეგენამ.

— ეინ მეტყობა? საწყალი! ნუ...ნუშო როგორ-ღა არის?

ნუშოს ხსენებაზე ყველამ ერთმანეთს შეხედეს: იცოდნენ, ყმაწვილს უყვარდა ის ქალი და ემძიმებოდათ ნამდვილის თქმა: ეწყინებოა.

— ნუშო, შვილო, აქა ცხოვრობს, თავის დედისეულ სახლში; ქმრის სიკვდილს შემდეგ გადმოვიდა. ახლა ცოტა შეუძლოთ არის, უპასუხა მართამ.

— როგორ? განა ჯაგუ აღარ არის?

— შენი ჭირი წაიღო.

— ჯავრმა აურია კვალი და თან გადიტანა, ჩაურთო გეგენამ.

— ჯავრმა კი არა! შეუტია სოფელელიანთ ეკამ.

— ნუშო რაღათ არის ავით? მარტო ცხოვრობს?

— ჰო, მარტოა. რაღაც შეუძლებლობს; არ კი ვიცი სწორეთ, არ შევსულვარ, მიუგო მართამ.

სოსანა დალონდა.

— ავით არის, მარტოა, არ შეგინდნიათ! ეს თქვენ არა გგავთ, რაღასაც მიმაღავთ, თქვა სოსანამ და თვალი გადაავლო ყველას.

— გაქვილის გატეხილია ჯობია, თქვა ეკამ, გატეხილს გეტყვი, რადგან ჩამოვარდა ლაპარაკი. ის

ქალი მეზობლობის ღირსი არ არის; სანამ ბედში იყო, არა გვეკადრულობდა, აბუხათ გვიგდებდა, მერე უბნის სახელი შეარცხენინა და უბანმაც პირი შეუქცია იმას. და უამბო სოსანას ყველაფერი დაწერილებით. რაც ეკას ავიწყებოდა, სხვები უმატებდნენ.

ყმაწვილი-კაცი აღვლევებული უგდებდა ყურს. ათასნაირი გრძნობები უზვირთდებოდნენ და ეფუტყნებოდნენ. სახეზე ხან განუსაზღვრელი სიბრაღული და მწუხარება აებეჭებოდა, ხან ზიზღი და სიძულელი ეწერებოდა; ხან ღმობიერების ცრემლით თვალის გუგა ვესებოდა, ხან ბოროტება და სიმკაცრე გაუვლევდნენ და უშრობდნენ თვალის ნამს. ბოლოს ათასნაირმა გრძნობებმა და ფიქრებმა მთლათ დაიმონავეს, გამოურკვეველ მდგომარეობაში ჩაავდეს. თავს ვერ მოგებოდა, ვერ გამოარკვეულიყო, რომელსამე აზრს ან გრძნობას ვერ დადგომოდა, მხოლოთ უსაზღვრო, აუტანელი სევდა რჩებოდა.

— არა, ღეთის წინაშე, სულ უპატრონოთ კი არ დაგვიტოვებია ავითყყოფი, მსუღრავე თათელა ყარაულობს, უთხრა მართამ.

— მსუღარე თათელა... პატარაობისას რანაირათ ეშინოდა ნუშოს მსუღარე თათელასი! ჩაილაპარაკა უფრო თავისთვის სოსანამ.

დაიწყეს სხვა საგნებზე ლაპარაკი, მაგრამ სოსანა გუნებაზე ვეღარ მოიყვანეს. დალონდნენ თონაც. სუფრიდან სიმხიარულის ანგელოზი აფრინდა დაიშალენ.

წამოვიდა სოსანა და გონებაში სულ ნაამბობს იმეორებდა, გაგონილს აკვირდებოდა. იმისი აზრი, იმისი გული, მთლათ იმისი არსება ზიზღით უარყოფდა მიეთვისებია ნუშოსათვის ის ზნეობითი დაქვეითება, რომელიც უამბეს გუშინ.

— ნუშო, ანგელოზი ნუშო და ასეთი სისაძველე! ჩემი უმანკო ნუშო და გარყენილობა! არასოდეს!.. მაშ რაინა? სულ მართალს ამბობენ, ისინი ტყუილს არ იტყვიან. მაშ?—ფიქრობდა სოსანა და იტანჯებოდა. ვერ წარმოედგინა სატრფო ნათელ-შეუმოსელი, ვერ წამოედგინა ვარსკვლავი სხივმოკლებული. იმის გონებაში ორ არსებათ გადაიქცა სატრფო: ერთი ის უმანკო, გულის-წარმტაცი ანგელოზი, რომელსაც სიყმაწვილითვე თაყვანსაცემდა ის, მეორე—ძამიაშვილიანთ ნუშო უბნისაგან ღარს-

დასავმობი. მაგრამ რანაირათ ტკოდა გული ამ ძა-
მაზმილიანთ ნუშოსთვის!

მეორე დღეს თითქმის საღამოს რვა საათი იყო, როცა სოსანა ჩავიდა მართასთან და თხოვა ნუშოს-
თან წაეყვანა. წაიღენ, ოთახში საშინელი სუნი იდ-
ვა. ლამპარი ძლიერ-ლა ბეჭუტავდა, შუშა შემჭვარტ-
ლულიყო. სახლის ბანი წამხდარიყო, ადგილ-ადგილ
წვეთავდა და მიწურა ჩატაკი ატალახებულიყო. ავათ-
მყოფი ქუჭყიან ლოგინში იწვა. თვალეზა დაეხუჭა,
ტუჩები სიციხისაგან შეათ შესწოდა, თმა აწეწოდა,
მონახდოდა, უსწორ-მასწორათ ეყარა; სახე აჭარხ-
ლებოდა; თვთრ ყელზე გამწარალი ოფლი ლაქებით
დაჩნეოდა; დაგძლეებულ ფხნილებში ქუჭყი ჩაკდო-
მოდა. თათელა ბუხართან იჯდა, თავი კედელზე მი-
ედო და ეძინა. ბუხარში ჩაწყობილ ღერებს თავები
წასწოდათ, ცეცხლი მიმქრალიყო.

მართა შეჭყვა ყმაწვილკაცს და ავათმყოფი
ასე უპატრონათ რომ ნახა, შერცხვა; თათელა შე-
ტევით გააღვიძა. სოსანამ დაინახა სანატრელი სახე ამ
მდგომარეობაში და ალაგობრივ გაქვავდა. უნდოდა
დაჰკონებოდა ძვირფას ავათმყოფს, ცრემლით დაელ-
ტო იმისი სიციხით აგზნებული მკერდი, ადგილიდან
კი ვერ იძროდა; უნდა ყველა საშუალება ერთ დროს
ენმარა იმის საშველათ, ეერაფერი კი ვერ მოეფიქ-
რებია; უნდა ეთქვა რამე იქ მყოფებისათვის, დაესაქ-
მებია, ხმას კი ვერ იღებდა, ენა არ ემორჩილე-
ბოდა.

სნეულმა იგრძნო ადამიანების მიხნლოება, გა-
იბძოლა, გამწარალი ტუჩები აატოკა, საცოდავთ
დაიგმინა და წყალი ახსენა. სოსანა ახლა მოეგო
გონებას:

— წყალი! წყალს თხოულობს.

მონახეს ლიტრა, გარეცხეს ქუჭყიანი ჭიქა, ახა-
ლი წყალი შემოიტანეს. სოსანამ მარცხენა მკლავით
თავი აუწია ავათმყოფს და წყალი მიაწოდა. ქალმა
ხარბათ ჩანთქა მაგრილობელი სასმელი, ერთი ამო-
იგმინა, გაალო თვალეზი და დაშტერდა ახალგაზღას.
ავათმყოფის მიმქრალ თვალეზში აზრი გამოკრთა;
ისევე მილულა თვალეზი, ამოიკენესა:

— მფარველო ანგელოზო, დამიშრიტე ცეცხ-
ლი... თავი დედა, დედა, თავი!

— აბა, თუ ჩემი ხათრი გაქვს, ყური უგდე,
ექიმთან წაეალ, მიუბრუნდა ყმაწვილიკაცი მართას.

— შენ რომ არ წახვიდე, მე რას ვაკეთებ? ახ-
ლავე მოვიყვან ექიმს, უთხრა გვეგნამ, რომელიც
ფეხდაფეხ მოჰყოლოდა სოსანას.

მოვიდა ექიმი. ახლა ავათმყოფი აღარა გავდა
ისე უპატრონოს: თმა გადაეგარცხნათ, თვთრეკლი
გამოეცვალათ, ცეცხლი აენთათ, ლამპარი გაესუფ-
თაებიათ, აეშუქებიათ, უწმინდურება გაეტანათ. ექიმ-
მა გულ-დინჯათ გაშინჯა ავათმყოფი და გადაწყვე-
ტილი უთხრა:

— ცოტა დაგვიანებულია. ფილტვების ანთება
აქვს. სიციხისაგან არის მიბინარებული. ახალგაზღაა,
მაგარი აგებულობისა და იქნება მორჩეს.

— მომლელი დედაკაცი უნდა დაეჭიროთ. რა-
საც ითხოვს, მიეცემ, ოღონდ სანდო იყოს, ერთ-
გულათ ეოუაროს. მე თითონ არ მოეშორდები რამ-
დენათაც კი დრო მომცემს, თქვა სოსანამ.

— შენ კი გაიხარე! რა მომლელი დედაკაცი
გვინდა: აი, ამაღამ მე ვყარაულობ, მიუფო მართამ.

— ხვალ-ღამ მე! წამოიძახა ეკამ.

— მერე მე უგდებ ყურს, თქვა სხვამ.

გარეთუბნელებმა თავისებურათ გაინაწილეს
შრომა. სოსანა იქ დარჩა, რომ ნამდვილ აესრულე-
ბია ექიმის დარიგება. ღამე ძალიან შემძიმდა მდე-
ბიარე, ბორგვა დაიწყო. სოსანა გამოუტყდელი იყო
ამისთანებში და შეშინდა; არ ეცოდა რომ ავათმო-
ფი ღამე უფრო შემძიმდებდა, იქნება იმისთვის, რომ
აქ ღდებდა მზის სხივების მაცოცხლებელი ზე-გავლენა.
თუ იღვიძებდა ავათმყოფი—თვალეზს რეტათ აყო-
ლებდა, თუ მიეძინებოდა—ბოდავდა. სოსანა სულ-
განაბული უგდებდა ყურს ქალის სუნთქვას, ესმოდა
ნაწყვეტ-ნაწყვეტათ:

— ოო! თავი, დედა!.. რათ მიჭირებ თავზე
ცხელ რკინას?.. უნდა წახვიდე, თავი უნდა დამანე-
ბო?.. ჯაგუ, ყინული!.. ამირაღვის მალაზიაში... რა
ლამაზია! ეიყიდი... მობძანდით!.. აი კოწია! როდის
მოკვალი?.. თუნდა სოსანასა ჰკითხეთ... მიშველეთ!
რეზიკო მოდის, ანგელოზი უნდა მოკლას... არ შე-
იძლება!.. რას ირტყვიან?..

ქალი მძიმეთ იყო ავათ. სულთამხუთავი მოე-
ლენოდა და ცდილობდა მოეტაცა ნორჩი სიცოცხ-
ლე, მაგრამ სიცოცხლეს ემძიმებოდა მოსპობა, არ-
სებას არ უნდოდა გამქრალიყო, არარაობის უფსკრულ-
ში ჩანთქმულიყო. სიცოცხლე ებრძოდა სიკვდილს

და ამ ბრძოლაში იმას ხელოვნურათ შევლოდა ექიმი, თაე-გამოდებით ეხმარნობდენ მომღვლები. ექიმი ღეთის კაცი გამოდგა: ერთხელ თუ სასყიდელს იღებდა, ბევრჯერ უსასყიდლოთ მოდიოდა, აეთმყოფობას კვალში ჩადგომიყო, არ ეიცი იმისთვის რომ სენს თავის საკუთარ მტრათა რაცხდა და სამარცხეინოთ მიაჩნდა ზურგი შეეცქია მისული მტრისათვის, თუ დანაღვლიანებული თვალემა ახალგაზდა სოსანასი და თაე-გამოდებული შრომა ამ საწყალი ხალხისა ხიბლაედენ და ამხნეებდენ იმას.

სოსანა კი ძლიერ ნაღვლიანათ იყო. დაეიწყებოდა ნუშოს წინანდელი ცხოვრება, დაეიწყებოდა ყველაფერი, რაც საგმობი ჩაედინა იმას და ეს ქალი ახლაც ისევე ძვირფასი იყო იმისთვის, როგორც მაშინ, იმ ნეტარ ღამეს, როცა კოცნა მოსტაცა საუკუნო ტრფიალების ნიშნათ.

ვ. ბაწნოვი.



შეატომის ბასწორება: „კვალას“ № 25-ში საქველ-საქმედო საქმე არის-შა დაბეჭდილი მიხ. ჩხარტოშვილი, უნდა იყოს: მიხ. ჩხატარაშვილი. დაბეჭდილია ქ. პიატიგორსკში, უნდა იყოს: ქ. პეტროვსკში. დაბეჭდილია: ნიკ. კანზაბელომ, უნდა იყოს: კონზაბელომ. დაბეჭდილია: გიორ. კალოშვილმა, უნდა იყოს: გიორ. კალოშვილმა. დაბეჭდილია: მიკ. თოიძემ, უნდა იყოს: მაკა თოიძისამ. დაბეჭდილია: დეგ. მანჯიგალაძე, უნდა იყოს: დეგ. მანჯღალაძემ. დაბეჭდილია: კოს. ვარდანაშვილმა, უნდა იყოს: კონო ვარდანაშვილმა. დაბეჭდილია: ნესტორ კორძაიამ, უნდა იყოს: ნესტ. კუჭავამ.

ჭედაჭტორ-გამომცემელი ან. თ.-წერეთლისა.

კბილის ექიმი

ვ. ი. ტიჭინაძე

20) ივნისიდან მიიღებს ავიათმყოფებს ახალ სადგომში. ნიკოლოზის ქუჩა, ე. საგინაშვილის სახლი, № 21, სადაც „ივერიის“ რედაქციაა.


ივანე როსტომაშვილის გამოცხადანი 1896 წელს.

1896 წლის განმავლობაში გამოკა 18 ახალი ქარ. თული წიგნი და 1 ალბომი — „ქართველთა ტომენი“ (грузинскія племена) ასზე მეტი სურათით და მოკლე აღწერით.

უასი მთელი გამოცემისა: წლით—4 მანეთი, ნახევარი წლით—2 მანეთი. ალბომი გაკეზავნება მხოლოდ წლიურ სელის-მომწერლებს.

ფული უნდა გამოიგზავნოს: Тифлисъ. Давид. ул. № 6, Ивану Павловичу Ростому.

10—4




ახალი წიგნები იაკობ გომეზაშვილისა

მოსავლის მცველნი, ანუ სასარგებლო ცხოველები და ფრინველები, იყრობს აღწერას თხუთმეტის ცხოველისას, ოც-და-ხუთი სურათით. იყიდება დამკვეთელთა წიგნის მაღაზიებში: თბილისში წერა-კითხვის საზოგადოების მაღაზიაში, ქუთაისში ჭილაძის, სეთერელის და ბუენიშვილის მაღაზიებში; ახალ-სენაკში, ოზურგეთს და ბათუმში თავარქილაძის მაღაზიებში, ფასი ყველგან ერთი აბაზი.

Разборъ учебныхъ рукозодствъ по русскому языку: Родного Слова Ушинскаго, Русской Рѣчи Вольера, Курса Русскаго языка Левитскаго, Русской Рѣчи Чернышевскаго, ამას გარდა წიგნში მოთავსებულია კიდევ ორი სხვა წერილი, Учебный планъ Ииородческой школы и Курсъ начальной Кавказской школы, იყიდება იქვე, — ფასი ათი შურნი.

(6—2)



დაიბეჭდა და იყიდება

წერა-კითხვის გამავრცელებელ საზოგადოების გამოცემა № 27

ოქროს მოყვარულები

მოქაზრობა ცმოკესი

გადმოღებული

ელენე წამეთლის მიერ

უასი 15 კაპ.

(10—4)